

萬有文庫

第二集七百種

王雲五主編

漁洋山人精華錄

(下)

王禎撰

商務印書館發行

錄華精人山洋魚  
(下)  
撰積士王

書叢本基學國

編主五雲王  
庫文有萬  
種百七集二第

錄華精人山洋漁  
冊 二

中華民國二十六年三月初版

撰 者 王 士 禎

發 行 人 王 雲 五  
上海河南路

印 刷 所 商 務 印 書 館  
上海河南路

發 行 所 商 務 印 書 館  
上海及各埠

有

◆E七四六

# 漁洋山人精華錄卷六

## 今體詩

### 送孫無言歸黃山四首

昨夢黃山碧。溪月白雲三十六峯深。朝來卻送滄洲逸。興發還爲吳會吟。  
未能采藥入青城。且傍浮丘畢此生。知君西渡松明水。已有羣仙抗手迎。  
硃砂湯口三千頃。石筍凌空一萬株。更問黃山奇絕處。天都瀑布勝匡廬。  
廣陵市上賈人子。袞袞錢刀劇可憐。怪爾山中紫芝客。閉門高枕遊遊仙。

### 送彭十羨門遊粵二首

大姑彎彎眉黛長。小姑窈窕宮亭粧。三日潯陽風信到。雙姑早晚嫁彭郎。  
萬里南荒弔尉佗。芭蕉林裏越禽多。好將延露新翻曲。乞與珠娘踢臂歌。

### 眞州懷家兄西樵

依然山郭與江樓。長夏蕭條只似秋。十里香生芰荷水。亂蟬聲送木蘭舟。  
試尋戰壘連京口。無數雲山指石頭。曾與坡公吟賞地。對牀風雨戀眞州。

秦淮泛月宿青溪有寄二首

移船就明月。鼓楫泝淮流。明月雲中出。流光水上浮。三更吹玉笛。銀漢瀉涼秋。長板橋頭柳。誰家尙倚樓。一宿青溪柵。還悲張麗華。黑頭江令宅。亦作段侯家。壘號韓擒虎。商歌玉樹花。都將東郭筆。寫恨寄天涯。

故中山西園

上公邸第舊西園。水石蕭然絕世喧。無復秋蘭被長坂。祇餘修竹映朱門。蕭曹事業終歸盡。江孔文章莫更論。日暮風煙愁客思。冶城南是謝公墩。

臺城懷古二首

覆舟山畔古臺城。故壘參差觸目驚。蔓草縈烟野蕭瑟。寒禽將子水縱橫。紫雲黃鶴符終驗。白馬青絲讖已成。千載華林宮館路。清明時節野棠生。傳檄風生南雍州。蕭郎三十冠諸侯。蘭陵家國偏多故。荆楚干戈且未休。遺老空聞龍瀆語。荒原都作雉媒秋。可憐代景行師日。水到青塘咽不流。

登雞鳴寺

雞籠山上雞鳴寺。紺宇凌霞鳥路長。古埭尙傳齊武帝。風流空憶竟陵王。白門柳色殘秋雨。元武湖波灩夕陽。下界銷沉陵谷異。楓林十廟晚蒼蒼。

雞鳴寺眺後湖二首

禁地傳清切。依依白下城。恩波連太液。別苑起昆明。湖亦號昆明。野水鳧鷖遠。斜陽菡萏生。不須搖落日。陵谷

已含情。

魚鳥華林路。滄泓復此湖。三秋人易怨。八代感何殊。蕭寺寒聲急。鍾陵返照孤。塘蒲今已晚。憔悴庾肩吾。

題秦淮水榭

冰簾胡牀水上頭。起看纖月映淮流。三更入破誰家笛。子夜聞歌何處樓。澹澹星河耿斜照。娟娟風露作新秋。謝郎今夕思千里。獨對金波詠四愁。

題靈谷廢寺

爲愛蔣山山色好。筇輿終日不逢人。杖藜入寺花扶屐。巖谷迎秋雨墊巾。王舍城中荒草徧。樂遊原上野麋春。誌公衣履今還在。苑外悲風臥石麟。

尋半山堂遺址

舒王歸臥後。卜築蔣山邊。騎驢衣掃塔。來往定林前。空山無舊業。欹澗但懷烟。太息元豐事。江城聞杜鵑。

蕭思話彈琴石

宋代蕭常侍。彈琴于此山。清徹汎松石。逸響碧雲間。我欲尋遺跡。風流不可攀。惟餘遠江水。朝夕送潺湲。

瓦官寺

江色斜陽下來過。古瓦官。勇如驃騎少。阮思曠戲何驃騎。卿勇。邁終古。乃圖作佛。癡似虎頭難。梵響流空寂。松聲覆殿寒。逍遙能解否。試問道林看。

蒼朱錫鬯過廣陵。見懷之作時謁曹侍郎于雲中。

桃葉渡頭秋雨繁。喜君書札到黃昏。銀濤白馬來胷口。破帽疲驢出雁門。江左清華惟汝在。文章流別幾人存。曹公橫槊懸相待。共醉飛狐雪夜樽。

夜登觀音巖弘濟寺贈終南融道人

登臨建業暮鐘時。楚客憑高一寄思。森森寒潮孤鳥去。冥冥微雨數帆遲。遠江人語驚山鬼。方丈燈明叩導師。借問龐眉老尊宿。空山雨雪是前期。

懷陳伯璣二首

當代陳無己。棲棲竟白頭。三洲歸作客。五字遠工愁。溢浦風潮滿。匡山木葉秋。經年斷消息。何事只淹留。公子秦川貴。飄零感盛時。田園非阮曲。別業寄鳩茲。擲拂名僧對。吟詩小婦知。秦淮舊風月。衰柳幾行垂。將往金陵冒辟疆。攜歌兒見過同方坦。菴先生杜于皇。方邵村崔不雕。小集。

天涯倦客此宵同。銀燭湘簾五夜風。殘月空堂絃拉雜。早潮江岸唱玲瓏。鶯花上日連秋社。絲竹中年感謝公。明發白沙洲上棹。橘林楓葉雨濛濛。

夜泊江口聞笛寄家兄西樵四首

雲水正寥落。笛聲何處生。颯然秋思滿。不覺有離情。涼月閣邊水。西風江上城。何須武溪曲。辛苦怨南征。揚子江頭月。流光千里餘。美人臨水別。隔歲幾行書。霜落吹羌笛。烟深聞夜漁。調高風籟寂。流怨滿空虛。半夜蒼龍吟。能傷楚客心。離人歌水調。清怨激楓林。估舶不能發。江波此夕深。夜寒沙雁起。縹緲竟難尋。李暮天寶伎。裂竹老龍驚。此夜瓜洲渡。風高白浪生。精靈泣相語。雲月皓將盈。入破那能寐。依依隴水清。

題弘濟寺方融道人壁

會挈軍持伴領軍。五年重訪鹿麋羣。天花尙散空江雨。龍氣仍蒸下界雲。餅拂不辭衝虎過。旃檀常是逆風聞。聽鐘又逐鷺蓬去。山木蒼蒼落日曛。

渡江中流作

擊汰金陵岸。溶溶曉氣分。潮迴落沙嶼。帆遠入江雲。霧景中流見。秋風天外聞。時清餘戰壘。重弔水犀軍。

皇廠河道中二首

繫纜臨江滸。沿洄復幾重。沙鷗荷港雨。水特柳塘風。潮汐時皆應。烟波態不窮。欲從詹尹卜。來作祝雞翁。

憶明湖

一曲明湖照眼明。越羅吳縠剪裁輕。烟巒濃澹山千疊。荷芰扶疎水半城。歷下亭中坐懷古。水西橋畔臥吹笙。鵲山寒食年年負。那得樵風引棹行。

題孫豹人小像

絕磧長松不世情。科頭箕踞一先生。胸中磊塊無人語。落落琴聲大蟹行。

錦秋湖竹枝三首

鵝鴨城邊望不稀。汀洲水長荻芽肥。暮容事遠傷春日。斜日金鵝接翅飛。

錦湖水色勝湘湖。雉尾蓴羹玉不如。持謝江南陸內史。酪漿還得似渠無。



不論烟權與霜篷。帆力真禁八面風。北豸南鱸誰辨得。憑君博物注魚蟲。

白沙江上雪卻寄家兄揚州

停舟揚子縣。支枕夜寒侵。人語烟初暝。雞鳴雪漸深。江天多曠望。漁浦極楓林。不見梅花開。烟波愁暮心。

眞州北郭卽目

同雲壓江城。曉出眞州郭。郭外斑竹林。風吹殘雪落。

魏文帝賦詩臺在儀眞北三里

城子山邊欲雪時。賦詩臺畔起愁思。五官只自臨江歎。笑殺孫郎帳下兒。

盱眙懷常尉建

昔賢矜柱笏。偶寄一微官。小邑如山隴。高名薄建安。夕鐘千澗靜。春雪九峯寒。一勺玻璃水。懷人向夜闌。

奉酬西樵先生閣夜聞鶴之作

楚江烟鶴鳴。風雪蕭蕭夜。十載別離心。相對寒燈下。

人日登眞州天寧寺浮圖懷李退菴侍郎

躡閣攀林到上方。振衣千仞俯蒼蒼。江皋騁望傷春日。人日登臨憶侍郎。枚叔才情傳七發。楚臣清怨極三湘。李有憶洞庭詩最工。何時問疾來方丈。乞取天花作道場。

讀費密詩

成都跋道士。萬里下峨眉。虎口身曾拔。蠶叢句有神。大江流漢水。孤艇接殘春。二句密詩。十字須千古。何爲

失此人。

送家兄西樵遊黃鶴山

抱琴向黃鶴。言訪戴公家。山路霽春雨。遠江明落霞。風吹石楠樹。露泫櫻桃花。明日西津渡。從君問釣查。

金陵道上

乍疎乍密秧針雨。時去時來舶趁風。五月行人秣陵去。一江風雨畫濛濛。

一鐙樓與方爾止夜坐懷施愚山臨江

牛頭高處宿。初夏似涼秋。蕭颯青林外。西風月滿樓。故人皖山隱。高詠繼前修。共憶蕭江客。清猿起夜愁。

雨夜宿德雲菴

精舍千峯上。禪關掩白雲。下方羣動息。風雨夜深聞。瀑布遙爭落。松聲溼不分。卻愁屐齒滑。絕頂閉氤氳。

德雲菴曉起

宿鳥驚寒解報更。夜開林雨達天明。迢迢絕澗千重瀑。寂寂中峯一磬聲。

雨中將往華山同爾止坐紫峯閣

寂歷山中雨。僧房晝掩門。還來紫峯閣。解帶共清言。危溜千巖落。中峯一澗喧。誰知江令宅。今是給孤園。

花山道中卽事

萬山堆裏看雲松。曲崦幽溪復幾重。爲愛泉聲過林去。不知烟寺遠聞鐘。

尋舊院遺址同方爾止

香艷消沉盡。空尋舊板橋。人稀春寂寂。事去雨瀟瀟。黃蝶飄寒圃。青溪咽暮潮。鷺峯寺前柳。搖落亦魂銷。

淳化關道中望茅山

解組初辭郡。離羣欲上浮。懷仙來句曲。采藥到茅州。東望朱陽館。常思許遠遊。何當餌南燭。頽景駐千秋。

雨宿山家二首

鬱岡山下雨瀟瀟。山店寒更斷麗譙。遙憶青溪楊柳岸。一篙新綠漲江潮。方諸玉具碧雲間。也擬遊仙駕鶴還。一夜潺湲秣陵雨。白羊門外失茅山。

金陵輓陳士業先生兼寄伯璣三首

昨朝揚子縣。遠寄豫章書。五字詩殊妙。三都序不如。士業序予論詩絕句便爲絕筆。人來青溪曲。葉下白門初。再有西江信。真成腹痛餘。

板蕩崇禎末。先生宰晉州。中山翻得謗。孟博竟同收。歸隱康王谷。讀書章貢樓。君所居曰章貢讀書樓。悲哉耆舊盡。流水咽三洲。

蔬枌圖詩爲宋射陵作

相逢射陵叟。獨見古人心。解作一生事。蕭然三徑深。忘機成老圃。抱甕偃空林。銅輦他年夢。依依直到今。

花朝道中有感寄陳其年三首

漁陽三月無芳草。客思離情不奈何。此日淮南好天氣。青驄尾蘸鴨頭波。三月嬉春射雉城。鉢池新水穀紋生。紫雲低唱靈雛拍。愛忍春寒坐到明。

風俗淮南古禁烟。紅橋解楔雨晴天。酒徒散盡楊枝別。說着花朝一惘然。

鄒衣白畫

雲嵐半幅落人間。衣白山人去不還。卻憶題詩東澗老。夕陽粉本出關山。

末七字虞山翁題白衣畫句

胡元潤畫

白波青嶂非人境。憶住江南過五年。今日長征老鞍馬。菰蒲春雨夢江天。

八册小景

八册西風曉鏡鋪。家家網得四腮鱸。水鄉風味江南思。何日扁舟鶯脰湖。

樊圻畫

曾經草屨夾。望見清涼山。秋雨暗江浦。數帆烟際還。披圖思建業。欲往路間關。因送江南客。題詩慰別顏。

趙澄畫

江南春意到寒梅。曲嶮迴汀幾樹開。銅井銅坑風雪裏。曾欹烏帽跨驢來。

石谿畫

慈竹林中一徑微。曾尋石窟叩禪扉。雲山舊衲渾忘卻。欲借僧雛壞色衣。

趙北口見秋柳感成二首

順治乙未予上公車與家兄吏部傳彤臣御史賦柳枝詞於此忽忽十餘年矣隄柳娑娑無復曩時不勝攀枝折條之感因賦是詩

十二年前乍到時。板橋一曲柳千絲。而今滿目金城感。不見柔條踈地垂。

六載隋堤送客驂。樹猶如此我何堪。銷魂橋上重相見。一樹依依似漢南。  
予舊賦柳枝有句云。銷魂橋上銷魂樹。不到飛花魂亦銷。

周量近耽奕以詩調之并示湘北

畫省垂鞭薄暮迴。文楸方罫鎮常開。知公欲厭承明直。徑賭宣城太守來。

送隱巖道人之五臺釋堂周量若文湘北同作二首

道人江左秀。十載住菰蘆。獨向清涼去。隨身智杖扶。峯峯餘積雪。了了見文殊。亦欲游方外。從師問蕊蕪。曼殊行道處。猶現海螺城。摩詰無文字。豐干識姓名。綻衣寒事早。咒鉢毒龍驚。殺活從渠會。依然草一莖。

荅梅淵公贈畫兼寄唐祖命三首

鳥哢屏風明鏡開。青溪水色碧潏洄。琴高三月登春網。一日谿頭醉一回。年來八詠憶休文。耕隍先生袂又分。好是謝家團扇上。相思爲畫敬亭雲。

送吳天章歸中條二首

二月春蕪綠。紛紛蝴蝶飛。花朝逢暮雨。寒食減征衣。道路誰知己。登臨不當歸。中條多水竹。此去掩荆扉。愛汝王官谷。他年擬借居。三峯當戶牖。五姓足樵漁。田舍堪懷古。茅茨宜讀書。獨憐好身手。歸去注蟲魚。

中條山下有五姓湖。

題胡玉昆宋梅圖爲程冀蒼

風雨匡山事杳然。故宮疎影自年年。何人寄恨丹青裏。留伴冬青哭杜鵑。

送耿承哲赴高州推官二首

見說高涼郡。遙遙八桂鄰。駱田潮上下。蠻弩瘴冬春。蚌暈連珠浦。冰綃獻海人。酌泉君有意。知不厭清貧。  
何代名藩地。軍城徧草萊。轅門飛鳥落。行殿野棠開。感激碭州蹕。悲涼冼氏才。撫時思將略。巾幗亦雄哉。

瓶中荷花開偶成二首

載酒紅橋日。扁舟蓮葉東。蕭蕭沙鳥白。漠漠渚花紅。明鏡生瀟照。清流澹惠風。別來一千日。相見膽瓶中。  
魯連陂上路。十里白蓮花。遙夜孤舟泊。無人山月斜。斷橋三汊水。籬落幾漁家。江市垂楊岸。何人繫釣查。

宗梅岑畫紅橋小景見寄賦懷二首

辛夷花照明寒食。一醉紅橋便六年。好景匆匆逐流水。江城幾度沈郎錢。  
紅橋秋柳最多情。露葉烟條遠恨生。好在東原舊居士。雨窗著意畫蕪城。

荷蘭刀劍大小凡八枚

憶戰金門島。王師大合圍。寒芒生海外。眞見著胸飛。

荷蘭四馬 二青二赤鳳膺鶴脛日可千里

龍種來西極。蘭筋怒不羣。鼓車應待汝。不用籟浮雲。

西洋四白小牛 白質斑文長二尺高一尺七寸項有肉峯

豈是流沙種。還疑果下駒。寄言熊虎質。不敢恃牙鬚。

過草橋橋西。二水清濁劃然至。橋東乃合流。土人云清者自西山來。濁者渾河也。

垂楊匝地板橋橫。沙路青驢得得行。偶坐濠梁忘日暮。可憐泉水在山清。

朱錫鬯自代州至今奉柬

短後曾將代馬騎。談兵絕塞偃牙旗。錦囊舊事悲唐壘。碧玉春流寫晉祠。燕市雪深衣褐敝。吳江楓落酒船遲。鴛湖若買三間屋。得便從君下釣絲。朱有晉祠記最工

爲高念東侍郎題文衡山畫二首

驢影凌兢冬氣昏。危亭孤棧簇烟村。披圖正有溪山夢。風竹蕭蕭雪擁門。凍合千山鳥不飛。梅花香裏蹋清暉。先生只向江南老。不見天山雪打圍。

送宋牧仲別駕歸黃州

詞賦梁園憶勝遊。一麾雲夢澤南州。三分誰似周郎少。九辨深知宋玉愁。烏鵲南飛河漢轉。大江東去古今流。山川如此容高嘯。羨汝黃泥坂下舟。

林逋梅鶴爲蒲州杜公題趙承旨雜畫

郭索鉤鞞句尙傳。妻梅子鶴致蕭然。不知他日朝元殿。誰上汾陰饗祀篇。

漁父

風送三江雉尾尊。青鱸紫鱖正時新。故家零落遺民老。恐是當年汐社人。

磨鏡

磨鏡一錢無不可。市中遊戲亦悠哉。黃塵碧海須臾事。負局先生自往來。

馬

十二天閑立仗齊。何來龍種大宛西。卽教得遇雄才主。不少黃金鑄裏驪。

打毬

如弦馳道接長楸。紅蠶嘶風滾畫毬。日暮蹋花歸去晚。德陽宮北苑東頭。

三月晦日公馭招同曰緝玉虬。茗文周量玉隨湘。北子端集河樓得絕句五首。

下直經旬髮不梳。河樓高會剪春蔬。已喜綠蒲藏睡鴨。更燒紅燭射遊魚。

御河楊柳盡飛花。露葉煙條拂狹斜。十五年前曾繫馬。數株初種不勝鴉。

順治乙未曾與諸君宴集此樓

櫻桃初熟紅藥開。相逢且覆掌中盃。新詩樂府誰多少。鬪取旗亭畫壁來。

濟南山水天下無。剩水殘山還自殊。仕宦幾人爲令僕。十年冷落鵲山湖。

腸斷江南盛小叢。三年禪榻過春風。不緣今夕相料理。枉負花枝映肉紅。

送戴務旂遊華山

捫蝨雄談事等閒。餘情盤薄寫孱顏。洛陽貨舂無人識。五月騎驢入華山。

題文與也爲梁曰緝畫江村讀書二首

門人漁航箇箇輕。春流滑笏殺紋平。江花江鳥不相識。寫向丹青俱眼明。

停雲家世紅欄里。相國風流異代傳。昨見明牕寫江練。諸孫才調又翩翩。

爲茗文題焚香掃地圖

朱門鼎鼎厭梁肉。忍饑誦經無此人。娜如山中好泉石。他年眞作孟家鄰。



竹枝三首送陸冰修

白翎雀飛山雪寒。譜入琵琶馬上彈。沙鷗鷓鴣春江上。蘆葉青青水滿灘。  
北人不識竹枝歌。沙磧春深牧駱駝。南人苦憶江南好。明鏡夾城春始波。  
才過蘇州是秀州。垂虹亭下水爭流。吳山的的如迎客。吳女摻摻解蕩舟。

大司馬龔公招同劉公猷。吳玉隨。梁曰緝。汪荅文。程周量。李湘北。陳子端。陳其年集城南。餞送董玉虬御史赴隴右。分用杜公秦州詩韻。得間字天字。

送遠逢秋社。西風岐路間。單車三輔客。鄉夢五湖山。折檻心元苦。乘槎使未還。隴頭嗚咽水。想像鬢毛斑。  
隴阪高無極。西行欲上天。秦州秋望闊。寥落幾烽傳。戍鼓連天水。長城到酒泉。營平方略熟。吹角罷防邊。  
爲王山史賦獨鶴亭

園林華山下。水石遠人間。獨鶴來江海。蕭然相對閑。博臺殘雪散。仙掌片雲還。騎向三峯頂。遙遙不可攀。  
再爲曰緝題江村圖

西臺御史馬步工。下直垂簾送飛鴻。高堂雪霽展圖畫。興在春江烟靄中。  
送陳其年歸宜興二首

與君五載揚州夢。細馬吟春皂莢橋。歲晚幽州復相送。九門風雪壓盤飴。  
送客魂銷楓樹林。買田陽羨舊同心。花枝照眼蝦籠嘴。未得從君弄渚禽。

嶽下作

嶽路清和候。氤氳望不稀。林園收宿雨。石瀨澣人衣。班馬紅亭渡。溪禽白練飛。買山隨處好。終日戀清暉。  
泰山有紅亭左傳大蒐于紅即此白練紅練鳥名

### 徂徠懷古二首

徂徠林壑美。復愛竹溪清。應有雲霞侶。幽居遠世情。釣竿想巢父。酒態憶長庚。寂莫空山道。寥寥千載名。  
當年石守道。卜築亦于斯。時際昇平日。人傳慶曆詩。子孫留伏臘。山中上王村今尙多石氏。水石映茅茨。直道今誰繼。  
淒然汝水湄。

### 徂徠山下田家

行行空翠裏。明晦更多姿。碧樹通村路。青山向嶽祠。林深雞犬靜。雨足隴苗滋。他日龜陰稼。躬耕亦不遲。

### 羊流作

山勢圍荒壘。猶傳太傅城。風流一銷歇。華表只縱橫。落日高平道。殘碑峴首情。當年墮淚處。髣髴見平生。

### 題尤展成新樂府三首

南苑西風御水流。殿前無復按梁州。飄零法曲人間遍。誰付當年菊部頭。  
展成樂府順治中曾進御覽

猿臂丁年出塞行。灞陵醉尉莫相輕。旗亭被酒何人識。射虎將軍右北平。

題黑白衛傳奇

千金七首土花斑。兒女恩讎事等閑。他日與君論劍術。要離塚畔買青山。

題黑白衛傳奇

冬日讀唐宋金元諸家詩偶有所感各題一絕于卷後凡七首  
元和碑版照千春。孔鼎湯盤跡未湮。今古才人困箕口。祇應牛斗不能神。  
退之

星宿羅胸氣吐虹。屈蟠兵策畫山東。黨牛怨李君何與。青史千秋有至公。牧之

慶曆文章宰相才。晚爲孟博亦堪哀。淋漓大筆千年在。字字華嚴法界來。子瞻

一代高名孰主賓。中天坡谷兩嶙峋。瓣香只下涪翁拜。宗派江西第幾人。魯直

射虎山南雪打圍。狂來醉墨染弓衣。函關渭水何曾到。頭白東吳萬里歸。務觀

載酒西園追昔遊。畫欄桂樹古今愁。蘭成剩有江南賦。落日青山望蔡州。裕之

漢庭老吏果無慙。揭後楊前總未堪。愛咏君詩當招隱。青山一髮是江南。伯生

愚山至都門同荔裳顧菴繹堂湟漆小集家兄西樵邸舍同用初字

爾駕琴高赤鯉魚。偶來京洛慰離居。樽前兄弟狂猶昔。袖裏詩篇錦不如。斜日竹梧新霽後。明燈池館夜

涼初。幾年南北相思切。今夕論文一起予。

和汪樊桐工部

孝陵于役詩二首

十載遺弓劍。銀池卽鼎湖。地形圍御宿。雲氣滿蒼梧。原廟青山合。松楸白日孤。當年侍臣在。沾灑向春蕪。

地是周原舊。人知漢道昌。千秋傳畢郢。萬戶衛咸陽。流水環宮寢。春花上繚牆。下陵一迴首。王氣鬱蒼蒼。

題張魏公墨蹟後

淮西白骨接苻離。三十年中幾喪師。太息長城君自壞。軍中空卓曲端旗。

王筠侶畫草蟲爲大司寇梁公題二首

髯翁任誕如忠恕。悅屣朱門傲五侯。肯爲尙書寫幽興。碧花紅穗草堂秋。  
一幅丹青顧野王。草根纖意曲籬旁。風懷磊落如公少。便注蟲魚也未妨。

送秦留仙太史歸梁溪

我鼓湘靈瑟。君彈昭氏琴。房櫳激流徵。太息感知音。古塞鴻聲遠。離堂燭淚深。臨觴忽不御。爲爾一沉吟。

送愚山遊嵩少

祖道青門秋氣深。川原風葉亂寒砧。嵩雲落日遙相憶。魏闕江湖共此心。八節灘高晴亦雨。三花樹古畫長陰。陵陽歸去名僧社。卻聽微鐘憶少林。

聞林茂之先生已葬鍾山

萬古鍾山下。今成有道阡。龍蟠高士宅。狸首故人憐。老尙歌朱鳥。魂應拜杜鵑。何時磨鏡具。一問秣陵船。

送張簣山學士歸廬陵

迴首觚稜別紫宸。孤舟遙下富川濱。誰令江外漁樵侶。爭識先皇侍從臣。上殿似聞辛慶忌。行吟休擬楚靈均。千秋公議存青史。應爲朝廷惜此人。

送董樵歸成山兼寄宋澄嵐先生林寺孝廉

漢家祠日主遺跡。成山中。吾子千秋意。棲遲滄海東。涼天朝放鶴。雪隴夜聞鐘。問訊河汾叟。東歸道未窮。

送孫古喙赴南靖

萬里無諸國。孤帆直向東。盤餐登馬甲。井邑枕蛟宮。禁舶人烟少。懸針職貢同。孫郎還嫵媚。真有紫髯風。

盧師山

盧師昔日經行地。惆悵蒼崖古木風。最憶深秋飛瀑下。四山寒葉亂流中。

皇姑寺

皇姑寺前人日晴。畏吾村畔草痕生。山桃堤柳自春色。粥鼓鐘魚非世情。鐵券南宮憐將相。黃沙北狩誤公卿。獨慙扣馬輸巾幗。天市星文幾夜明。

退谷見朱錫鬯李武曾潘次緋蔡竹濤題名時朱在廣陵李在黔南潘蔡在太原。故人消息比何如。萬里江湖歲又除。山寺到來先一笑。春風石壁見君書。

曉起至五華寺尋水盡頭作

退翁亭子蒼崖前五華古寺當其顛。殘僧夜雪煨芋火。童子開門尋澗泉。石壁空青散雲錦。金沙照曜浮清漣。他時把酒蘿陰下。風墮巖花烏帽偏。

裂帛湖雜詠六首

裂帛湖光碧玉環。人家終日映潺湲。分明一幅蔡侯紙。寫出湖南千萬山。淋池十里芰荷風。太液西來一派通。應有恩波下黃鵠。年年流入建章宮。水軒面面似船窗。沙燕鷓鴣盡作雙。忽憶夢迴聞柁鼓。一枝柔艣破烟江。宣宗玉殿空山裏。簫鼓樓船事已非。何似茂陵汾水上。秋風南雁淚沾衣。石甕山頭歸片雲。望湖亭上倚斜曛。紙錢社酒棠梨道。不到湖邊耶律墳。

萬樹垂楊掃綠苔。桃花深映槿籬開。遊人盡說西隄好。須及清明上巳來。

贈謝方山舍人二首

歷落嶽崎可笑人。朝衫猶自染京塵。深憐謝客吟詩好。莫訝王郎斫地頻。三月鶯花連下杜。廿年車庫感平津。青絲挈酒高梁水。取次東風解禊辰。舍人簾閣晝凝香。下直清齋似太常。昨日同尋烟際寺。題詩多在贊公房。晴溪冰雪寒逾好。風磴莓苔滑不妨。騎馬城南春又暮。幾迴西笑憶滄浪。

題新樂縣驛壁寄宋荔裳

當年霧夕詠芙蓉。促席傳觴樂未疎。名忝應劉七才子。座傾沈范兩尙書。龔芝麓·梁巖二宗伯飛星過漢無留影。萍葉隨潮少定居。猶有前期不相負。秋來同釣錦江魚。

雨中度故關

危棧飛流萬仞山。戍樓遙指暮雲間。西風忽送瀟瀟雨。滿路槐花出故關。

冷泉關道中

南徑雀鼠谷崎嶇殊未休。路隨千嶂轉。峽束一川流。灘急長疑雨。蟬嘶畏及秋。雲峯將落日。立馬迴含愁。

國士橋

國士橋邊水。千年恨未窮。如聞柱厲叔。死報莒敖公。

猗氏往蒲州道中有感

令狐城畔雨霏霏。遙指中條積翠稀。西接新秦三輔迴。東鄰故絳兩川圍。空聞魏國山河美。久識唐家節度非。愁絕無心更懷古。清秋風景亦沾衣。

望中條山

今朝美風日。望見中條山。青嶂有時隱。白雲隨意還。泉飛幽谷裏。鳥囀竹林間。欲訪韓終去。菖蒲駐好顏。河中感懷寄諸兄

何處依依動客愁。蒲津雲物迥高秋。河聲近挾中條雨。關勢遙分太華旒。人代茫茫雙去鳥。夕陽渺渺獨歸舟。京華故國俱千里。心折西風鶴雀樓。

中條山下作

中條初日上。嵐彩變朝昏。芳樹重重隴。流泉曲曲村。河流趨底柱。山勢鎖關門。借問王官谷。貽溪跡尙存。望見華山

蒲坂南來問釣船。風陵埽上隔風烟。黃河一曲流千里。太華居然落眼前。

潼關

潼津直上勢嵯峨。天險初從百二過。兩戒中分蟠太華。孤城北折走黃河。復隍幾見熊羆守。棄甲空傳犀兕多。漢闕唐陵盡禾黍。雁門司馬恨如何。

華陰道中

平田漠漠稻花香。百道清泉間綠楊。二十八潭天上落。無人知是帝臺漿。

華州道中

地古弘農郡。雲峯去不窮。泉飛名岳雨。稻熟野塘風。漕輓通河渭。雄關界華嵩。唐家傳七世。何事失山東。

華州齊雲樓

唐昭宗望京處。

齊雲樓上望京師。渭水東流無盡時。父老尙傳行幸日。教坊曾譜斷腸詞。城空只見雙飛燕。劫敗猶爭一局碁。莫問寒烟十六宅。土花凝碧至今悲。

遇仙橋卽事

浮雲收渭北。初日照終南。馳道連秋水。官橋度曉驂。人烟生浦樹。鳥語入晴嵐。欲訪漁川隱。蘆中有釣菴。

漁川。華州山水勝處。

渭南道中

秦川秋色迥。四望極風烟。樹隱金椎密。花開玉井鮮。水光浮蓮勺。山翠入藍田。往昔長安道。孤城近日邊。

豐原

豐原高不極。原上行人度。秋晴渭川望。遙見藍田樹。

渭南望瀑園寄南鼎甫僉事

澗曲風煙好。新秋望瀑園。池通清渭水。花暖紫蘭村。西蜀天邊節。南宮雪夜樽。十年鴻爪意。愁絕詎堪論。

驪山懷古八首



鸚鵡何年問上皇。野棠風折繚垣長。銷魂此日朝元閣。親試華清第二湯。  
滿路香塵拾墜鈿。諸姨五隊夾城邊。花開繡嶺看調馬。雪下離宮有賜錢。  
舞罷驚鴻歲月徂。長門深閉長青蕪。君王自愛霓裳序。不記樓東一斛珠。  
內殿傳呼菊部頭。梨園弟子按梁州。善才零落龜年老。渭水猶明羯鼓樓。  
蜀王音信渺天涯。青鳥西飛日又斜。斷粉殘香誰得見。承恩只有玉蓮花。  
鳳凰原下鹿槽旁。虢國夫人有賜莊。無數青山學眉黛。當年誰入合歡堂。  
不復黃衫舞馬牀。更無片段荔支筐。祇餘今古青山色。留與詩人吊夕陽。  
空城幾曲水潺潺。松柏淒涼滿舊山。輦道無人秋草合。年年嗚咽到人間。

灞橋寄內二首

長樂坡前雨似塵。少陵原上淚霑巾。灞橋兩岸千條柳。送盡東西渡水人。  
太華終南萬里遙。西來無處不魂銷。閨中若問金錢卜。秋雨秋風過灞橋。

晚渡澧渭

清川生暝色。鼓楫溯中流。返照紅將斂。終南紫翠稠。遙看雲際寺。欲放漢陂舟。故國東溟上。茫茫清渭樓。

望終南雲氣

終南雲物一千里。遠橫嶓冢包商顏。不雨不晴最窈窕。一東一西時往還。何日高樓尋紫閣。來朝驛騎繞黃山。無心羨汝能舒卷。慙負秋來水石閑。

古詩逢逢白雲一  
東一西一南一北

漢武帝通天臺址

通天臺畔望咸京。秋入秦川雨半晴。御宿不來仙掌散。宮車已往露盤傾。神光遙指虛無影。渭水長流日夜聲。此去西風茂陵路。祇應腸斷沈初明。

咸陽早發

日照長陵小市東。依然蹤跡逐飛蓬。未央宮闕悲歌裏。鄠杜鶯花淚眼中。已見銅人辭漢月。空留石馬臥秋風。多情最有咸陽草。和雨和烟歲歲同。

茂陵

武帝乘龍久上昇。集靈臺古幾人登。晴川森森通槐里。秋草萋萋入茂陵。天馬歌成愁出塞。泉鳩事去涕沾膺。誰知一代孫弘閣。唯有東方諫獵能。

馬嵬懷古二首

何處長生殿裏秋。無情清渭日東流。香魂不及黃縢綽。猶占驪山土一丘。巴山夜雨卻歸秦。金粟堆邊草不春。一種傾城好顏色。茂陵終傍李夫人。

飛龍務

此地臨汧渭。秦嬴有舊封。飛龍何日去。凡馬至今空。落落擘騮氣。蕭蕭苜蓿叢。黃雲秋草裏。悵望古城東。

武功道中

武功回首望金城。古跡蕭條感乍生。禿節尙憐蘇屬國。黨人終賴竇遊平。白頭鬱鬱身前事。青史悠悠世

上名千里終南山色好。一枝筇竹萬緣輕。

武功懷古

唐家慈聖寺。后稷有郃封。二水流沮漆。千秋擬沛豐。高原山色裏。小邑夕陽中。樂府康王好。何時訪泝東。

扶風道中

北望迴龍薄。西行過馬嵬。俠遊無柳市。史筆闕蘭臺。老鬢愁中改。秋風隴上催。田園情話好。何事不歸來。

馬伏波祠

冥冥炎海伏波祠。肅肅靈旗故國思。萬里功名銅馬式。五谿淫潦跼鸞時。隗譚詎識真王異。朱勃終慙地下知。空憶平生少游語。歸來款段悔教遲。

織錦巷

慧絕璇璣手。當如棄置何。憐他蘇蕙子。枉嫁寶連波。

鳳翔府

城邊汧渭兩交流。隴蜀中分第一州。西雍橫當斜谷路。南山高接杜陵秋。雌鳴尙憶秦人霸。星隕難銷漢相愁。形勢依然身萬里。扶風歌罷拂吳鉤。

寶雞道中

時序颯已變。征蓬何處休。遠天吳岳影。斜日渭川流。雲棧餘高鳥。磻溪有釣鉤。龍鍾三十九。白盡老夫頭。

寶雞縣

險絕古陳倉。停車落日黃。霸圖今寂莫。陳寶亦銷亡。城郭秋雲裏。人家清渭旁。迴看三輔遠。秦樹但蒼蒼。

石鼓山

遙憶岐陽狩。來過石鼓山。韓蘇今地下。星斗尙人間。谿谷歸飛少。川原獵騎還。寄情汧渭水。千折過潼關。

益門鎮

天險當秦鳳。提封界雍梁。棧雲高不落。隴樹曉還蒼。古堠催征騎。秋風弔戰場。山南明日路。漸入武都羌。

煎茶坪

大壑沉雲霧。冥冥萬仞梯。孤峯分隴漢。兩水割東西。坪東水北流。西水南流。遙直金牛峽。旁臨白馬氏。當年誰設險。不用一丸泥。

自長橋至草涼樓

西下嘉陵水。瀾瀾綠滿灘。綠崖紅叱撥。縈棧曲闌干。九折行人少。千峯落日寒。不知投宿處。樵響隔雲端。

鳳縣

險絕岐南路。峇峴蜀北門。千峯圍邸閣。一線望中原。城下嘉陵水。林間謝豹村。衰遲慙鳳德。愁向接輿論。

寄家人

京洛分襟七夕前。南岐驛路五更烟。故園刀尺齊紈素。遠道風花蜀國絃。斷續鸚飛深隴裏。橫斜雁度夕陽邊。棧雲隴樹重重隔。閨夢何由向左綿。

雨度柴關嶺

棧中新漲未歸槽。百丈柴關水怒號。鳥語不聞深箐黑。馬蹄直上亂雲高。天垂洞壑蛟龍蟄。秋老牙鬚虎豹豪。誰識薰香東省客。戎衣斜壓赫連刀。

南星雨發

驟雨南星道。秋陰草木風。潤寒傷馬骨。雲亂失蠶叢。僭憶公孫帝。危知大禹功。中原何處所。夢落散關東。

雨趨留壩

急雨下烏欄。千峯一線通。路遙洋水北。天盡武關東。峽偏風雷氣。人穿虎豹叢。誰知星使節。今夜託牛宮。

畫眉關南渡野羊水

四山封舜篠。一水急波瀾。巨壑蛟潛穩。飛流馬渡難。陰崖終古闕。白日幾時看。惡竹縱橫甚。還須斫萬竿。

武關寄家書

驛騎千山裏。平安兩字書。高堂衰白早。兒女死生餘。聽雨思兄弟。臨風問起居。白頭吟更苦。莫負錦江魚。

閏七夕抵褒城縣

褒斜十日路。白髮忽侵尋。紅葉下江水。始知秋氣深。馬驚初出谷。城閉不聞砧。何處天河影。浮雲只自陰。

# 漁洋山人精華錄卷七

## 今體詩

年來錢牧齋吳梅村周櫟園諸先生鄒訐士陳伯璣方爾止董文友諸同人相繼徂謝棧道感懷愴然有賦

載酒題襟處處同。平生師友廿年中。九原可作思隨會。四海論交憶孔融。春草茫茫人代速。落花寂寂墓門空。白頭騎馬嘉陵路。惟有羊曇恨未窮。

## 漢中府

路邊衰斜夢故園。今朝風物似中原。平蕪蹀躞連錢馬。近郭參差橘柚村。萬疊雲峯趨廣漢。千帆秋水下襄樊。只愁明日金牛路。回首興元落照昏。

## 漢臺

絳灌當時伍黥彭。異代看。竟成隆準帝。不屑沐猴冠。磊落真王氣。蒼茫大將壇。風雲今寂莫。江漢自波瀾。

## 故宮曲二首

溼螢幾點粘修竹。昏黃月映蒼烟綠。金牀玉几不歸來。空唱人間可哀曲。

往日朱門帝子家。柴車一去卽天涯。平臺賓客今何處。零落小山叢桂花。

盧谷菴二首菴有黃楊三株最奇

三寸黃柑水浸渠。一林紅桂映棕欄。鈎簾恰對中梁色。正好高眠讀道書。  
太息黃楊樹子前。琳宮幾歲飽風烟。交柯接葉真憐汝。未似先生厄閏年。

南鄭至沔縣道中

黑水梁州道。停車問土風。沔流天漢外。嶓冢夕陽東。處處棕欄綠。村村穉稷紅。更須參玉版。修竹賤如蓬。

女郎廟

朝過女郎道。遙望女郎祠。溪水疑環珮。春山學黛眉。千林丹橘熟。一徑碧苔滋。日暮神靈雨。西風滿桂旗。

沔縣謁諸葛忠武侯祠

天漢遙遙指劍關。逢人先問定軍山。惠陵草木冰霜裏。丞相祠堂檜柏間。八陣風雲通指顧。一江波浪急潺湲。遺民衢路還私祭。不獨英雄血淚斑。

武侯琴室

竹篠娟娟靜。江流漠漠陰。至今籌筆地。猶見出師心。遺恨成銜璧。元聲有故琴。千秋絃指外。髣髴遇高深。

大安驛

犖确三泉縣。坡陁一徑開。江流沮口合。風雨沓中來。漢相經營地。氐王駕馭才。西窮嶓冢盡。節使亦雄哉。

五丁峽

徽外蕃王國。荒荒巨峽侵。龍居三洞祕。熊館四時陰。笮馬何年度。金牛此路深。五丁虛斧鑿。愁絕畏登臨。

寧羌州

威遲辭北闕。浩蕩賦西征。天險金牛峽。悲歌猛虎行。岷峨連雨氣。沔漢走江聲。三戶遺民少。蕭條見廢城。

寧羌夜雨

不信無晴日。曾聞有漏天。武都連夜雨。巴子幾人船。山入氏中亂。寒臨棘道偏。荒城聞鼓角。回首意茫然。

廣元舟中聞棹歌

江上渝歌幾處聞。孤舟日暮雨紛紛。歌聲漸過烏奴去。九十九峯多白雲。

昭化縣

亂山圍一縣。哀柝下初更。近郭雙江合。扁舟萬里情。浪翻寒月影。風急夜潮聲。何限人間事。茫茫恨未平。

昭化夜泊

浙浙風欺枕。明明月入船。三巴空有淚。獨夜不成眠。流宕魚鼈國。淒其鴻雁天。故園梅信早。歸去逼殘年。

虎跳驛

路逗蒼溪縣。荒涼破驛存。漉金稀見艇。畏虎早關門。水合南江壯。山連大劍昏。巴西兵馬後。多少未招魂。

夜泊雙遊子聞笛

嘉陵江上泊舟時。戍鼓初停月上遲。已聽寒潮不成寐。誰家橫笛怨龜茲。

蒼溪縣



萬里行難到。三秋雁不過。蠻江吹積雨。急峽束盤渦。綿谷青山遠。竇人白弩多。泛舟思杜老。漂泊意如何。

閩中縣二首

見說閩中好。軒窗臨錦屏。山川無髣髴。耆舊况凋零。殘壘浮兵氣。寒江滯使星。忽聞羌笛起。風雨晝冥冥。滕王何寂寞。江抱玉臺偏。沙岸收寶馬。湍流激磴船。五城虛夢到。三戶有人烟。不奈驚搖落。魂銷帝子前。

閩中感興四首

行役忽永久。衣裳白露淒。秋風吹劍外。客鬢老巴西。螢火飛還沒。寒蟬咽復啼。不堪蜀道雨。山霧晝常迷。巴樹小搖落。薄寒初中人。江山紛暮節。風露感蕭晨。遠使非邛杖。思歸閱角巾。流波三峽外。何處覓文鱗。西漢茫茫去。來過碧玉樓。九迴腸已斷。三折水還流。涕淚聞鶻鳥。雲山繞劍州。老親穿望眼。霜雪白盈頭。蜀雨連秦棧。秋陰暮復朝。山盤黃鶻急。江合紫羌遙。烏鶻知何意。龍鬣爾獨驕。蓬萊不可到。回首向風颺。

藥物

藥物知何益。愁多老病侵。眼枯兒女淚。心折短長吟。鄉信何時達。秋濤日夜深。巴猿殊造次。悽絕叫楓林。

望劍州懷喬文衣

名鉢內丘名士。以湖口令遷守劍州。卒官。

次公狂自好。名字滿人間。才士無高位。吟魂寄百蠻。音書湖口縣。生死劍門關。太息青蠅弔。交州幾歲還。

寄綿州守

西南芳草路。幾驛到綿州。蜀道風雲外。涪江日夜流。丹青楚公壁。城郭越王樓。故里康浪水。何人弄釣舟。

龍山驛雨

閩州城邊雲氣浮。龍山驛裏雨聲愁。遠遊不睡青城地。絕域空悲白雁秋。巴嶺稀逢人北去。渝江長是水南流。蕭條孤館荆榛夕。更指千峯入漢州。

富村驛雨

陰蟲何太苦。戶外卽蒼山。急柝侵孤枕。秋河落百蠻。燈昏山鬼逼。雨止蟄龍還。一夜瀾江水。愁人淚點斑。

天馬山雨行

兩炬殘更裏。亂山高復低。疾風吹白雨。折坂下青泥。詰屈穿牛角。縱橫印虎蹄。廿年餘戰骨。何處聽荒雞。

鵝溪

剩水殘山祇益愁。梓州荒絕接隆州。眼明今日鹽亭路。十里鵝溪碧玉流。

鹽亭縣南渡梓潼江

南下屏亭路。千峯挾雨秋。江潮不送客。獨向射洪流。

秋林驛雨

積氛常不徹。天地日冥冥。俗雜蟾彝種。林深虎豹羶。荒村陰峒黑。寒夜鬼磷青。夢裏夔門路。開頭下洞庭。

涪江

十日巴西雨。艱難到梓州。晚晴見涪水。清絕抱南樓。不見千頭橘。空驚萬里秋。尙餘登覽興。留眼望牛頭。

潼川懷少陵

返景下東津。扁舟涪水濱。女牆崩積雨。郡郭入荒榛。山夕烟花少。江流戰伐頻。飄零思弟妹。嗟爾杜陵人。

中江縣

慘淡黃雲暮。行人出草萊。風濤兩江合。斜照亂峯開。秋老飛鳥縣。鄉遙戲馬臺。郛筒何處是。一月罷銜盃。

天柱山絕頂望見岷山作

鞍馬衆峯頭。蒼茫萬里收。岷山橫塞出。灌口接天流。要害三城戍。邊防八月秋。大荒飛鳥外。眼底盡姚州。

山中有蟲聲如擊磬。甚清越。蜀人謂之山子。又有花名龍爪。其艷偶成絕句。

題漢州驛壁

漢州城郭劫灰前。房相西湖有斷烟。更問臉波添幾許。昨宵金雁驛中眠。

唐人漢州詩十日醉眠金雁驛臨歧無限臉波橫

望青城山

雲氣連西城。名山作漢標。千秋軒帝蹟。每夜岳靈朝。玉字凌丹壑。神鸞下碧霄。丈人一招手。天路未應遙。

彌牟道中望八陣圖遺址

落日彌牟道。霜風百戰場。青天迴玉壘。遠樹出華陽。陸海三都闕。雄圖八陣荒。臥龍虛故蹟。駐馬惜降王。

新都縣題楊升菴先生故宅

有二桂樹尙在

侍臣遷謫後。常憶泰陵園。詞賦留金齒。生還望玉門。交州無士燮。南海得虞翻。廢宅西風裏。連蜷桂樹存。

防秋

聞道防秋急。千山復萬山。傳烽來棘道。插羽過靈關。屬國何嘗絕。懸軍且未還。卻思漢丞相。心力盡征蠻。

登成都西城樓望雪山

秋老錦官城。西風捲旆旌。霜高犀浦落。日出雪山明。黎雅初增戍。松潘未罷兵。誰能凌絕頂。萬里一崢嶸。

金方伯邀泛浣花溪二首

解纜江村外。溪沙失舊痕。夕陽來灌口。秋水下彭門。清吹臨風緩。神鴉得食喧。百花潭上好。新月破黃昏。萬里橋邊去。還多弔古情人烟。過蠶市。新月上龜城。寂歷更漏發。蕭條鱗甲生。迴看草堂路。修竹水蕪平。  
王蜀徐妃詩。又驅金擊入龜城。

九日謁昭烈惠陵

萬里登高日。橋山白露寒。至今悲蜀帝。何處問祠官。杳杳衣冠閉。淒淒封樹殘。錦江非渭水。猶作霸陵看。

武侯祠別鄭次公水部

白雁三秋候。青山萬里橋。與君俱絕域。此別更魂銷。遺廟丹青盡。荒陵草木凋。  
祠西即惠陵。平羌江上水。相望

隔風潮。

金花橋道中作

半年浪迹錦城遊。纔數歸程已暮秋。晚照開時見千里。寒鴉飛盡過雙流。眼明修竹橫塘路。心逐江雲下峽舟。異域忽驚搖落久。今宵一醉失鄉愁。

雙流縣今廢入新津

路近雙流縣。縈紆一徑斜。雞鳴深竹裏。暝色幾人家。日暮寒雲合。城荒野蔓遮。愁將蓬鬢色。絕域老霜華。

新津縣渡江

南過蠶叢國。秋風正授衣。青山初日上。黃葉半江飛。修竹連千畝。高桡徑十圍。臨江呼渡舸。極目一清暉。

雨發眉州

五更吹角罷。細雨出眉州。雜樹堆紅葉。蠻荒感白頭。岷峨雲氣接。邛夔亂山稠。東望玻璃水。風前葉葉舟。

寄朱峨眉方菴兼懷蔣修撰虎臣蔣時臥病峨眉伏虎寺

絕域相逢感鬢華。幾行清淚落悲笳。愁中巫峽暮雲合。望裏峨眉秋月斜。方丈一燈誰問疾。孤帆萬里客還家。故人咫尺不相見。夢繞平羌江水涯。

夾江縣

地近川南好。孤城罨畫間。江山真萬里。雨雪到諸蠻。馬渡青衣水。雲遮紫目關。大峨天半落。相見一開顏。

夾江道中二首

沉黎東上古。犍爲紅樹蒼藤竹。亞枝騎馬青衣江畔路。一天風雨望峨眉。嘉陽驛路俯江流。寒雨瀟瀟送暮秋。誰識蠻中風景別。洋州風竹戴嵩牛。

九盤望峨眉

紺壁臨千仞。蕭蕭木葉黃。水流通越巂。峯遠入江陽。十月蠻雲澹。三峨積雪蒼。來朝掛帆去。回首意茫茫。

竹公溪二首

漏天未放十分晴。處處江村有笛聲。水遠山長聽不足。竹郎祠下竹雞鳴。

竹公溪水綠悠悠也合三江一處流珍重嘉陽山水色來朝送客下戎州

入嘉州問丁東院無知者過高望山趾廢寺鄭生曰丁東寺也訪方響洞尙存感而賦詩

廿年夢想丁東院何意丁東院裏來山水清音空復在切灰殘燒自生哀井欄僧汲稀銅鉢石磴秋深長  
綠苔不遇江南老桑苧風鏹誰遣試茶盃放翁丁東院詩我是江南老桑苧諸君小住共茶盃山谷詩古人題作了東水自古丁東直到今我爲更名方響洞始知山  
清音

三登高望樓作

風流曾說荔支樓欄檻高明壓四州謂戎眉邛雅也峨眉晚霞寒白雪江心殘照出烏尤雲烟早暮還殊態楓柏

丹黃只似秋自笑心情無賴甚清晨臨眺不梳頭

曉渡平羌江步上凌雲絕頂

眞作凌雲載酒遊漢嘉奇絕冠西州九峯向日吟江葉三水通潮抱郡樓山自倍翁亭畔好泉從古佛髻

中流東坡老去方思蜀不願人間萬戶侯坡詩生不願封萬戶侯亦不願讓韓荆州但願身爲漢嘉守載酒時作凌雲游

凌雲雜詠五首

爾雅臺

郭生注蟲魚遺跡空山裏何處蔡充兒幾爲勸學死

大佛閣章南康鑿閣燬於震輻惟佛像存

三十六莊嚴不生亦不滅朝夕三江潮如聞廣長舌

治易洞 宋吳祕

古洞何方廣，垂蘿覆巖石。想見昔年人，研朱點周易。

清音亭

振衣清音亭，松桂鳴騷屑。坐對大峨眉，峯雲消露殘雪。

洗墨池 東坡

初日石梁上，猶傳洗墨池。故山歸未得，空和淵明詩。

漢嘉竹枝五首 今嘉定州

龍遊城郭碧玻璃，西望三峨曉黛滋。分取三江作明鏡，鏡中各自照蛾眉。  
城頭山色入虛無，城下清波望鬱姑。白塔紅船歸去晚，嘉州也復有西湖。  
側生一樹會江門，水遞年年進大藩。寂莫蜀宮三十載，夕陽零落荔支園。  
竹公溪口水茫茫，溪上人家賽竹王。銅鼓蠻歌爭上日，竹林深處拜三郎。

三江，岷江東來，青衣水，沫水西來，至大佛前乃合流。坡公詩，奔騰過

佛脚，土人謂岷江爲府江。

嘉陽登舟

青衣江水碧鱗鱗，夾岸山容笑笑新。悵望三峨九秋色，飄零萬里一歸人。亭臺處處餘金粉，城郭家家繞綠蘋。信宿嘉州如舊識，荔支樓好對江津。

江行望烏尤山

墨魚吹浪一江浮。爾雅臺荒古木秋。碧水丹山留不得。風帆回首別烏尤。

韃爲道中

潮音閣下戒舟航。回首凌雲墮渺茫。土俗漸臨巴子國。江流遙接楚人鄉。爐熏細細縈琴薦。荻葉蕭蕭映筆牀。天外峨眉如送客。晴雲千片白毫光。

敘州鎖江亭晚眺

望望朱提路。夕陽千萬山。落霞明極浦。飛鳥近南蠻。城角旌竿直。江亭鐵鎖閑。鬱姑臺咫尺。烟靄畫圖間。

江安縣

斜日玉津渡。青山銅鼓灘。蠻江來浩蕩。行路飽艱難。晚市稀橙客。荒園罷橘官。波濤三百里。猶是怯兵欄。

清溪納溪縣西五里太白詩夜發清溪向三峽即此

蠻雲漏日影淒淒。夾岸蕭條紅樹低。好在峨眉半輪月。伴人今夜宿清溪。

瀘州登忠山

江源分內外。千里會瀘州。歷歷五峯影。茫茫三峽流。青山烟外寺。黃篾水邊樓。夕照層城暮。迴風引棹謳。

撫琴渡尹伯奇彈琴處

明月生琴渡。似聞彈履霜。猿聲何處發。今夜宿江陽。更有巴渝曲。能霑旅客裳。楓林前路遠。葉葉似瀟湘。

晨起渡江登五峯過北巖寺



江郭曉烟合。攜琴來五峯。水容青滑笏。山態碧玲瓏。雲樹孤城外。風帆小市東。香林迴望好。下界一空濛。

江陽竹枝二首今瀘州

錦官城東內江流。錦官城西外江流。直到江陽復相見。暫時小別不須愁。

相傳波州北江上塔頂。飛至瀘州治平寺塔上而止。

妾如江心黃龍堆。江枯石爛長崔嵬。郎如治平寺中塔。戎州西望忽飛來。

合江縣

鱷部蠻荒水。東南裂地來。臨江巴子關。山倚少岷開。故國音書絕。天涯老鬢催。渝歌聲太苦。中夜起徘徊。

合江早發

放溜殘更裏。熹微霽色閑。鴉飛符縣北。日出少岷山。衆水當渝會。扁舟下瀨還。客心爭歲暮。猶自滯烏蠻。

大磯腦

削壁臨江勢欲傾。丹砂蘸葉一江明。囊中正有鵝溪絹。只少黃筌爲寫生。

棹歌

紅葉磧邊紅葉飛。黃魚沱上黃魚肥。百丈牽江怯西上。三巴迎客好東歸。

江津縣晚泊寄懷李綏陽公凱

路入江州愛晚晴。青山紅樹眼中明。斜陽潮送孤舟上。沙岸人牽百丈行。故國至今悲蔓子。乘槎曾共訪君平。城南便是牂牁路。一夕相思白髮生。

渝州夜泊

塗山斜月落巴國。曙鷄鳴亂艇。烟初合。三江潮夜生。霜寒摧曉角。石氣肅高城。不寐聞猿嘯。迢迢入峽聲。

題三忠傳

故四川巡撫陳公士奇。重慶知府王公行儉。巴縣知縣王公錫。

已失夔門險。誰云蜀道難。三江潮不到。萬馬競傳餐。故國悲張許。忠魂泣賀蘭。當時渝水上。慷慨白衣冠。

塗山絕頂眺望

飛瀑落長虹。登臨見禹功。山圍巴子國。苔沒夏王宮。峒俗烏蠻近。畚耕白帝同。渝州天塹地。感慨大江東。

舟出巴峽

曲折真成字。滄波十月天。雲開見江樹。峽斷望人烟。新月數聲笛。巴歌何處船。今宵羈客淚。流落竹枝前。

長壽縣弔雪菴和尚

枳縣秋風愴客魂。金川遺事忍重論。誰從魚服悲宗國。唯有烏朝戀舊恩。葉下沉湘愁北渚。燕生鄢郢哭東門。至今松柏灘頭水。嗚咽寒潮弔屈原。

涪州石魚

涪陵水落見雙魚。北望鄉園萬里餘。三十六鱗空自好。乘潮不寄一封書。

早登涪州北巖訪伊川先生注易洞憩碧雲亭

巖有山谷題鉤。深堂三大字。

雞鳴截江去。磊落見殘星。古洞生蒼蘚。層巖列翠屏。五溪秋水岸。萬里碧雲亭。蜀洛清流盡。千秋忌獨醒。

麻姑洞二首

神仙官府事紛然。懶漫誰能更學仙。但乞麻姑爬背癢。餘杭兌酒此中眠。

洞口無人薜自青。蓬萊清淺幾曾停。他時小別三千歲。又似當年過蔡經。

忠州謁禹廟

空山神禹廟。終古對巴臺。玉座秋苔長。江雲暮雨來。八蠻通道路。九鼎沒蒿萊。黑水梁州地。芒芒問劫灰。

屏風山謁陸宣公墓

賈傅長沙謫。靈均澤畔吟。千秋同涕淚。萬里更登臨。劍北崎嶇日。山東父老心。陽城如可作。爲我助霖霖。

詢白公東坡不得二首

巴歌渝唱總紛紛。長慶新詩久不聞。欲訪東坡但搔首。浪花高捲入蠻雲。

東坡東澗綠成陰。刺史當年惠愛深。想見竹枝歌舞處。木蓮花映水林檎。

壤塗早發

夢迴峽月落。臥聽舟人語。風便五更潮。天明到南浦。萬縣·古南浦地。

萬縣有感

千秋南浦地。險阻控三巴。惡少仍雕面。通侯各建牙。何人飼豺虎。吾道一龍蛇。鼓角寒城暮。江流捲白沙。

雲陽縣

十月雲安縣。千崖石氣青。江寒風颯颯。猿嘯雨冥冥。鹽井筒時汲。巴歌酒易醒。天涯連歲暮。心折杜鵑亭。

晚登夔府東城樓望八陣圖

永安宮殿莽榛蕪。炎漢存亡六尺孤。城上風雲猶護蜀。江間波浪失吞吳。魚龍夜偃三巴路。蛇鳥秋懸八

陣圖搔首桓公憑弔處。猿聲落日滿夔巫。

瀼西謁少陵先生祠五首

萬古瀼西宅。斜連峽口關。高雲魚武縣。秋水麝香山。老作諸侯客。心依供奉班。樊川臨素滙。遺恨不生還。白髮三川客。新詩百鍊功。飄零逐猿鳥。得失感雞蟲。弟妹干戈裏。朝廷涕淚中。浣花形勝地。回首雪山風。浩劫遺祠在。依然白帝城。岸連巫峽影。門對蜀江聲。太息隆中業。平生庾信情。艱難詩萬首。夔府至今名。已見浮三峽。還憐到九疑。湘娥何處是。楚客至今悲。槎繫南溟近。天連北斗垂。江陵空望幸。愁絕侍臣詩。欲去頻回首。停舟灩澦堆。東屯渺雲水。西閣莽蒿萊。感事悲諸將。懷人賦八哀。昆明遺碣在。落葉滿蒼苔。

祠有石刻秋興詩。僅存昆明池水一首。

登白帝城

赤甲白鹽相向生。丹青絕壁鬪崢嶸。千江一線虎鬚口。萬里孤帆魚復城。躍馬雄圖餘壘跡。臥龍遺廟枕潮聲。飛樓直上聞哀角。落日濤頭氣不平。

白帝城謁昭烈武侯廟

赤甲山頭雲氣蒼。楓林蕭瑟落微霜。魚人故壘生秋草。鳥道寒空掛夕陽。當日君臣真灑落。至今祠廟有輝光。江流薄暮聞笳鼓。回首中原泣數行。

舟下瞿唐別陳東海都督諱福後隴忠愍

十月瞿唐峽。孤根灩澦堆。風雷高白帝。雲雨暗陽臺。朱鷺軍中樂。青楓渡口盃。瀼西迴望好。欲去且徘徊。

登高唐觀

西上高唐觀，陽雲對舊臺。瑤姬何處所，望遠獨徘徊。恍忽荆王夢，芳華宋玉才。細腰宮畔柳，併作楚人哀。

神女廟

筵篔山下路，遺廟問朝雲。冠古才難竝，流波日易曛。玉顏空寂莫，山翠自氤氳。東望章華晚，含情尙爲君。

巫峽中望十二峯

十二峯娟妙，輕舟望是非。青天半雲雨，夕日亂烟霏。瀑水臨江合，水三分神鴉出洞飛。朝雲無處所，應待楚

王歸。

巴東秋風亭謁寇萊公祠二首

秋風亭上望，搖落值秋風。巫峽千帆上，荆門一水通。清猿吟楚塞，客淚落巴東。故相還祠廟，淒其伏臘同。壽寧何代寺，猶說相公泉。澹沲清江去，淒涼古佛前。傳芭哀楚些，特筆記澶淵。不見雷陽竹，中書事可憐。

抵歸州

亂石歸州郭，危檣蜀客舟。江山悲屈宋，戰伐憶孫劉。西道連魚復，東門望夏丘。興亡紛在眼，袞袞大江流。

宜都又名西道。

歸州書感

歷歷青山遠，更圍蕭蕭紅葉晚。爭飛一天暮雨來巫峽，萬里寒潮到秭歸。郢路蒼茫衰草徧，楚宮蕪沒昔人非。灘聲半夜堪頭白，况復天涯未授衣。

秭歸夜泊

江水茫茫去。西風感鬢絲。峽深夔子國。月上屈原祠。灘響夜方急。猿聲寒更悲。楚天搖落後。何處採江蘼。

五更山行之屈沱謁三閭大夫廟

斜月楚山外。寒江初上潮。左徒遺廟在。未惜馬蹄遙。國破憐哀郢。魂歸賦大招。雲旗空悵望。回首木蘭燒。

題三閭大夫廟四首

懷沙千古恨。弭楫弔靈均。眇眇思公子。依依問楚人。招魂龍貝闕。遺恨虎狼秦。愁絕涪陽浦。年年杜若春。湘纍哀怨地。自昔有遺音。曉日空舂岸。孤帆楓樹林。數窮詹尹策。魂斷女媭砧。欲問離騷意。巴東猿夜吟。久客懷往路。還登江上祠。美人惜珍髩。衆女妒娥眉。楚澤凋蘭葉。巴巫唱竹枝。九歌何處續。宋玉有微詞。鷓鴣鳴何早。鳥飛思故鄉。如何懷郢路。終自棄沅湘。三戶餘秋草。千山滿夕陽。武關嗚咽水。猶怨楚襄王。

峽中舟夜

酒殘香燼暮江深。遙夜孤舟楓樹林。三峽流泉爭送客。不須更聽七絃琴。

新灘二首

楚蜀諸灘首險在。兵書空舂二峽間。

上灘嘈嘈如震霆。上灘東來如建瓴。警過前山纔一瞬。鷓鴣啼處到空舂。兵書峽口石橫流。怨敵江心萬斛舟。蜀舸吳船齊著力。西陵前去賽黃牛。

空舂峽

月吐空舂峽。流光楚塞旁。漁燈搖宿鷺。蓬背受新霜。青草烟波闊。黃牛朝暮長。曾爲雲夢客。回首憶高唐。

黃陵廟二首

廟後峯頂·有人牛像·宛然如畫·

峽裏黃陵廟。千秋俎豆新。禹功思癸甲。靈笈佐庚辰。灘石冬逾壯。風帆捷有神。旌旗臨絕壁。長照大江濱。稀歸來百里。突兀見黃牛。下水纔朝暮。行人已白頭。山川夔路險。疏鑿禹功留。尙憶平成日。茫茫辨九州。

抵彝陵州二首

西陵雄鎮地。佇立望荆門。蜀水天邊綠。巫雲峽口昏。三湘初落木。萬里飽聞猿。翦紙勞僮僕。爲招久客魂。扁舟天上落。回首萬灘高。斜日明西塞。秋風過下牢。江湖初莽蕩。吳蜀幾旌旄。至喜亭邊泊。樵牛也自豪。

西陵竹枝四首 今彝陵州

蜀道艱難易白頭。羊腸虎臂又黃牛。西陵纔過荆江出。聽盡猿聲是峽州。

峽江三月櫓聲齊。拍拍哀歌高復低。十二碛邊初起汕。日斜還過下牢溪。

乃獲多魚。惟十二碛以上。下牢溪以下數十里爲然。

金釵繫接髻丫枋。又繫年年聚此鄉。江上夕陽歸去晚。白蘋花老賣鱸鯉。

荷燈百尺接秋河。猶似秦兵駐綠蘿。更說元宵好風景。竹枝歌續採茶歌。

元夕連袂唱竹枝採茶歌。七夕家家張荷葉燈。云昔秦白起伐楚。將燒

而止。遂沿至今也。

漢景帝陵 昭烈奉木主至此

陽陵何處是遺廟。此中洲落日西陵渡。寒江楚塞樓。天心紛割據。鼎足失炎劉。太息英雄遠。樓船下益州。

宜都縣南中流大風

南首獠亭路。茫茫白浪間。風生羊角戍。山盡虎牙關。忠信平生志。波濤絕域還。湘東飄泊日。深入五溪蠻。

枝江道中

愁絕丹陽道。蕭條暮雨時。天遙孤雁沒。江闊一帆遲。庾信臺空在。懷王家尚疑。且隨鷗鳥去。今夜泊松滋。

楚懷王墓二首

當年遺恨割商於。故國秋風總廢墟。望裏丹陽抔土在。寒潮猶以哭三閭。百里洲前望楚江。斜風吹雨暗蓬窓。可憐雲夢三千里。弱繳誰加鳥六雙。

荊州懷古

白帝城邊醉放舟。夕陽荆楚此登樓。驚心割據三分地。放眼關河萬里遊。山色茫茫江夏遠。風烟漠漠渚宮秋。何須更續英雄記。今古無人似仲謀。

江陵書感

先祖万伯公會以儀耶奉使扈故惠王之國

先公持節地。今日復經過。江漢流如昔。興亡事若何。人歸銅馬後。士豈鯽魚多。信美非吾土。登樓發浩歌。

荊門州

望望荆門外。茫茫驛路寬。北風江漢起。暮雪郢中寒。野燒荒原斷。昏鴉古木殘。遙憐季行役。白髮望平安。

望龐居士山

雲烟杳杳樹幢幢。消息憑誰問老龐。斜日漢川秋水闊。居然一口吸西江。



萬山

新釣槎頭縮項鱸。楚姬玉手鱠紅鮮。萬山潭水清如昨。只憶襄陽孟浩然。

襄陽口號

豈有酖人羊叔子。更無悔過竇連波。殘碑墮淚迴文錦。一種銷沉可奈何。

羊太傅祠

峴首何寥落。猶存太傅祠。門臨漢川水。淚墮郢中兒。東第無歸日。西江有斷碑。天涯落帆客。一薦楚江蘼。

峴山和孟公韻

往者不可作。含悽方在今。峴山風景地。名士幾登臨。陵谷須臾改。殘落涕淚深。高陽池上酒。憑仗一開襟。

隆中

咫尺隆中路。如聞梁父吟。地傳龍臥久。山接鹿門深。遺憾留關隴。高風激漢陰。沔江流不盡。西望一霑襟。

放鷹臺

漢江東去有高臺。烟樹蒼蒼楚望開。走馬銅鞮坊北路。少年齊唱野鷹來。

劉景升冢

豚犬兒郎霸業空。冢中人不愧英雄。一抔遙酌襄江上。愛汝名高俊及中。

渡漢江次樊城二首

昨過嶓冢陽。今來漢臯曲。萬里故人心。江流鴨頭綠。

樊口隔銅鞮。江樓烏夜啼。行人渡江去。回首峴山西。

大堤曲四首

何處白銅鞮。相逢大堤曲。樊城多酒家。郎在誰家宿。  
送歡鳳林關。別歡桃林岸。紅桃作花時。與歡復相見。  
漢水綠頭鴨。朝朝自呼名。何時覓歡去。附書到江陵。  
東漢房陵來。南流武昌去。西漢下巴陵。會是相逢處。

估客樂三首

大扁趁潮來。落帆向樊口。盤餚槎頭編。盃泛宜城酒。  
大堤諸女兒。三五花映肉。斜月半江樓。低徊就郎宿。  
與郎定情時。葳蕤黃金鑰。不識墮淚碑。但道襄陽樂。

新野道中

窮冬風易緊。暝色路何長。蠻落黃郵聚。寒林赭水鄉。雁聲過宛口。帆影下襄陽。回首昭丘外。雲濤墮渺茫。

南陽

漢家陵闕晚烟重。路入南陽識舊封。何日赤符曾應識。至今白水尙朝宗。炎精十世飛雄雉。鼎足三分起臥龍。惆悵銅駝經幾度。西風博望一聲鐘。

臥龍岡

五丈原頭望。秋風落大星。空留高臥處。古柏日冥冥。

寄懷鄧州彭中郎直上兄弟兼憶仲亮寧遠禹峯方伯子

舊識中郎美。新高第五名。中原傳二妙。故國繼三甥。卓帽遼東客。青山宛葉情。羨君名父子。家本冠軍城。

寄于浙川道子

西望商於地。風前木葉紅。荒城三戶在。官舍萬山中。歸路日猶遠。故人今不同。浙江通漢水。心折武關東。

博望城

持節西窮萬里源。至今黃鵠怨烏孫。空聞寶馬歸天廐。不見征人入玉門。

過長沮桀溺耦耕處

曾讀陶公傳。奈奈沮溺心。耦耕餘故跡。流水抱寒岑。鳥下日將夕。雲歸山半陰。從來避世者。不厭入林深。

葉公祠

蕭條醴水暮烟封。古殿青苔上廢鐘。地下子高應一笑。世間誰解好真龍。

襄城道中

角角逐鳴雞。遙遙信馬蹄。雪殘雍氏北。月落潁陽西。序已三冬晚。途猶七聖迷。汝南名士盡。望古一含悽。

拜李元禮墓

潁水東流去不迴。漢家司隸汜城隈。西園官爵歸常侍。北部髡鉗記黨魁。一代荀陳師友誼。千秋蕃武死生哀。歲寒謾謾松風裏。猶似龍門御李來。

渡汝水戲作襄城君曲楚莊辛事見說苑

玉劍翡翠衣。光照清川口。不願楚執珪。願得執君手。

### 潁川懷古

懷古過陽翟。西風落照時。廣成何處問。童子信堪師。喬木臨清潁。寒烟望具茨。何因稅塵鞅。還共羽人期。

### 渡河西望有感

使者河源復卻迴。杖藜曾記到雲臺。高秋華岳三峯出。曉日潼關四扇開。星宿海從天上路。崑崙槎自斗邊來。何時更訪茅龍去。東望滄溟水一杯。

### 滎澤渡河二首

西湖岷峨萬里長。大河北去渡滎陽。平分兩戒迴中岳。直下三川阻太行。咫尺風雲迷廣武。蒼涼曠日射扶桑。時清久失成臯險。醜酒黃流弔戰場。

渺渺星槎擊楫登。鴻溝極目氣飛騰。已過白雪三城戍。初試黃河十月冰。沙磧連雲朝牧馬。獵圍行炙晚呼鷹。金堤東下夷門路。落日寒烟弔信陵。

### 贈徐東癡四首

東臯三畝宅。歲歲掩柴關。自得知仁樂。因居廉讓間。夕烟隱桑柘。曉色見雲山。爲問冥冥者。何須放白鵬。浩蕩江湖興。扁舟過富春。兩臺雲漠漠。千尺水粼粼。偃蹇狂奴態。飄零社人垂。竿與晞髮萬。一共悲辛。秦楚縱橫地。商於宛鄧西。棧危驢背滑。吟苦帽簷低。戰壘猶烽火。窮途且杖藜。倦遊歸臥穩。高枕碧山棲。

情親二十載。回首颯颯。白髮催前事。青松識後凋。何須論出處。只合共漁樵。別有人琴痛。勞君賦大招。  
爲亡兄西樵。

挽姜貞毅先生

諱琛。字如農。萊陽人。明給諫。以言事謫。戊敬亭。後流寓蘇州。治命葬敬亭山下。

曾聞碧血裹朝衣。滄海橫流萬事非。生已變名吳市去。死當埋骨敬亭歸。空山落日鳴鷓鴣。孤墓深春長

蕨薇。魂傍要離君愛弟。英靈來往怒濤飛。

先生弟吏部垓。字如須。葬吳郡。

輓蔣虎臣先生

先生養疾峨眉。尙有手書見及。

西清三十載。九病一遷官。晚憶峨眉好。真忘蜀道難。法雲晴浩蕩。春雪氣高寒。萬里堪埋骨。天成白玉棺。

謝愚山寄敬亭茶著書墨四首

珍重宣州綠雪芽。釵頭玉茗未須誇。晚涼夢到雙谿路。宿火殘鐘索鬪茶。  
白甌親題記社前。紅囊開罷淪清泉。桐陰滿地蒼苔滑。紗帽籠頭手自煎。  
分來劍脊伴雲腴。橫理庚庚玉不如。更乞宣城諸葛筆。晴窗小試硬黃書。  
澤門哲與邑中黔。一種高風比斷金。至竟不須論白黑。東坡居士是知音。

漫興十首

潏潏荆襄地。當年割據州。營連九節度。星動五諸侯。已共長江險。應關上將憂。郭門傳息壤。不障洞庭流。  
一線金牛道。迢迢限雍梁。峽猶傳禹鑿。山忽兆彭亡。戰鼓黃陵廟。訛言白帝倉。魚鼈曾夢到。回首閱蒼茫。  
嗚咽秦川水。秋風入鼓鞞。妖星躔隴右。大將出安西。陸陸將誰附。蒼蒼迴不迷。似聞寬大詔。未忍戮鯨鯢。

烽火傳花馬。將軍發賀蘭。天心誅叛亟。國法受降寬。衙帳青唐入。沙場白骨寒。亂臣誰貫死。史筆後人看。  
均房山萬壘。林箐杳難分。故國傳鄧子。名城屬冠軍。風烟迷楚望。金鼓動秦雲。父老思原傑。當年舊建勳。  
不見離支熟。閩州驛騎來。大農師漸老。使者節難迴。五嶺烽相照。三山瘴未開。冥冥炎海外。目極釣龍臺。  
西北和親國。王姬禮數殊。一朝忘甥舅。萬里送頭顱。露布明駝足。軍鋒落雁都。六師信神武。羣盜敢枝梧。  
慘澹蒼梧塹。風塵八桂林。屠沽投間起。巾幗負恩深。銅柱無消息。交州竟陸沉。何時大藤峽。披豁散重陰。  
海內兵塵滿。乾坤正氣孤。數公明大義。一死激頑夫。關塞青楓晚。英靈白日徂。他年看秉筆。得慰鬼雄無。  
少日論兵事。空驚老在身。拊膺成一歎。食肉爾何人。劇孟能傾楚。弦高竟却秦。白頭清鏡裏。歸臥故山春。

秋日過子吉讀書齋有懷茗文

翰林官自達。疲馬獨行吟。日午炊烟寂。閑門落葉深。平生有知己。高臥洞庭陰。莫謂飛沉絕。千秋共此心。

謝孫思遠送茶笋

鬪茶竹塢麥秋寒。燒笋僧樓穀雨闌。寄謝江南老桑苧。也分風味到麤官。

陳眞亭僉憲殉節詩

諱丹赤崗縣人。順治辛卯舉人。自兵部郎中出。爲溫處清僉事。總兵官祖某叛。死之。贈通政使。

爭飛海水動妖氛。大節堂堂獨不羣。眞見司農生擊賊。還同車右死鳴君。赤城地遠埋殘骨。朱鳥魂歸哭陣雲。他日東甌應廟食。靈旗風雨夜深聞。

楊茶菴僉憲闔門殉節詩

諱三知。良鄉人。順治丙戌進士。神木道僉事。參將孫崇雅叛。同妻妾二女赴井死。贈光祿卿。

西來鼙鼓震秦川。神木城頭火夜然。直向重泉尋八口。居然一死動三邊。飛書大將論功日。嚙齒孤臣入

地年彷彿井幹明月下。苔痕零落聽啼鵲。

劉富川江屏殉節詩諱欽鄰·儀真籍·廬陵人·順治辛丑進士·粵西亂·死之·贈光祿少卿·

白沙江上別蒼茫。憶爾廬陵節義鄉。萬里青燐連桂管。三年碧血照清湘。烏啼濺淚逢寒食。馬革驚心裹戰場。望斷銘旌何處是。蒼梧愁絕暮雲黃。

蘭谿丞徐君殉節詩諱詰·廣昌人·貢士城破·懷印死·贈浙江按察司僉事·

連城大帥豎降旛。獨有微官死報恩。故印猶存同杖節。巫陽無地與招魂。雙松幾歲哦廳事。大鳥何年立墓門。聞道荒城還渴葬。怒潮穿脇越江昏。

定邊堡守備劉君夫婦殉節詩諱士英·朱龍據堡以叛·與妻妾郭氏李氏俱死之·贈拜他喇布勒哈番世襲·

河套南來花馬池。嚴城一夕滿旌旗。驚傳絕塞豺狼窟。坐失三軍熊豹姿。恤緯孤忠留婦女。成仁浩氣屬偏裨。高牙大纛工翻覆。請視劉君墮淚碑。

遙送嵇爾遐從軍荆州兼寄秦留仙李岷瞻二首

帕首鞞刀氣不羣。秀才今復學從軍。也知好句輸中散。唯有相思寄楚雲。秦子清真五字詩。李生磊落萬人姿。他年幕府論功日。七寶莊嚴合是誰。

贈赦雪海侍御二首

龍性詎能馴。依然七尺身。誰從燎原日。還憶徙薪人。肝膽酬明主。風霜老逐臣。孝陵松柏淚。霑灑又重新。血戰蠶叢日。愁雲壓閩中。謗書翻置獄。刀筆敢論功。又失巴西險。何時劍外通。憑君重草檄。早爲破田戎。

秋夜同容齋說巖二學士聽楊山人彈琴

萬里東歸客。七絲聞夜彈。泉流巫峽裏。猿嘯楚雲端。浙瀝楓葉落。寂寥秋水寒。無人知此意。試問董庭蘭。

紀事

見說溫泉仗。經過畢郢原。天言傳近侍。小隊駐期門。玉座人間闕。銀蠶地下溫。冬青當日淚。真荷兩朝恩。

雜感四首

隴水洮雲外。傳烽萬里通。天兵張掖下。露布朔方同。賊已亡方望。時堪仗竇融。明年看置酒。圖畫滿南宮。飲馬洞庭闊。連營笳吹聞。南人知象主。漢表失鄱君。斑竹祠邊水。蒼梧野外雲。何時真下瀨。一試習流軍。戮力還羌帥。孤忠有法王。不緣蒙上賞。何以警無將。天狗過秦野。髦牛限鬼方。古來稱隴蜀。成敗幾蒼茫。一髮東甌路。懸軍春復秋。何人裹馬革。幾輩爛羊頭。禮比長公主。榮逾恩澤侯。聖朝寬大德。不死竟何憂。





# 漁洋山人精華錄卷八

## 今體詩

用韻答別容齋說巖二學士詵菴侍讀

憂患餘生見面遲。故人驚喜鬢成絲。茶盃冷澹香殘處。麈尾橫斜月落時。沙磧斷鴻千點沒。都亭衰柳數行垂。霑襟又作銷魂別。不爲中年好酒悲。

再別李容齋陳說巖葉詵菴三子

長安幾度別。忽作白頭翁。君輩還簪筆。吾生自轉蓬。王師縣楚塞。羣盜橫關中。努力匡時略。歸心滄海東。  
阜城感僞齊劉豫作

殘堞昏鴉外。人烟古阜昌。龜蛇逢戰鬪。殺擺概興亡。父老思宗澤。朝廷負李綱。紛紛齊與楚。一笑對斜陽。

元裕之詩。河邊殺擺尙能飛。無角無鱗自一齊。張邦昌亦河間東光人。

過邢子愿先生墓

秋晚犁丘道。西風黃葉深。婆娑歎官柳。惆悵少來禽。一代風流絕。孤墳牧豎侵。通家懷舊客。重鼓雍門琴。  
闕先兄西樵故書泣賦

丹鉛脫手尚依然。淚灑蛛絲對舊編。南面百城如昨夢。河東三篋憶當年。縱橫鼠跡承塵上。零落苔花廢砌邊。痛絕人琴今已矣。牙生從此竟摧絃。

傷十笏艸堂梅竹二首

西樵先生  
讀書處

蒼苔被門巷。風動蕭蕭竹。孤鳳不重來。磊砢空節目。種樹人何在。三逢歲暮時。夜來風雪裏。無復舊連枝。

過古城

格孫城外遠烟迷。瘦馬凌兢上大堤。茅屋幾人輸井稅。田家終歲把鋤犁。殘碑剝落橫苔蘚。古道縈迴長蒺藜。陵谷消沉盡如此。一聲村落夕陽雞。

西堂甘橘初熟招東癡二首

昨宵霜信熟黃甘。小閣離離夕照酣。爲報故人須過飲。掛帆何必洞庭南。楚頌吟來憶左徒。酒牀新漉待招呼。田園別後春蕪長。欲買青山種木奴。

雪中題七賢過關圖

雲重雪堆門。空堂破帽溫。風流七賢遠。圖畫百年存。烏沒藍田縣。桐開灞水村。開元舊詩老。招得幾吟魂。

題黃鶴山樵畫

憶昨茅齋雪霽時。地鑪松火夜談詩。春風騎馬長安去。如此溪山坐付誰。

呂忠節公輓詩三首爲敬芝侍御作

一自灑池渡。風塵天地昏。銅駝悲故國。龍種失王孫。司馬空居洛。巫陽詎返魂。長令懷古者。流涕上東門。  
紫陌臨伊岸。青山抱洛中。殺函失天險。父老哭遺忠。乘國人誰在。騎箕恨未窮。橋陵西望近。應逐鼎湖弓。  
爲許生洲比部題梅淵公畫

柏枧山中舊草堂。溪流淼淼樹蒼蒼。白雲谷口不飛去。臥聽松風春晝長。

題董舜民蒼梧詞追悼許士文友

南望毘陵路。江流日夜東。應徐常調盡。嵇呂舊遊空。才子蒼梧怨。清詞白苧工。依然鄰笛起。悽斷夕陽中。  
送許竹隱之紹興二首

一棹西陵去。名山入剡中。放衙臨鏡水。行部逐樵風。江渚鷺鳥集。蘇臺麋鹿空。沼吳兼霸越。懷古意無窮。  
蟬聲集深樹。驛路遍槐花。黃鶴逝千里。浮雲天一涯。鶯啼范蠡宅。草長謝敷家。迢遞相思處。春風滿若耶。  
夢中作

涼雲止復行。水花開更落。烟柳夕陽時。蟬聲動高閣。

送董樵歸成山舊隱

白社何年別。威輦相逢颯。颯鬢毛蒼。飄零楚客級。蘭佩蕭瑟無。且剩藥囊。隱處神山鄰。九點愁來兵氣動。  
三湘水仙操罷扁舟去。海水天風萬里長。

招魂

八桂荒雲外。三湘落照中。空城盡豺虎。戰士幾沙蟲。生死無消息。傳聞有異同。招魂關塞黑。杳杳暗青楓。

秦中凱歌十二首

上相乘春西出師。至尊推轂建旌旗。兩宮絡繹黃封下。天廐飛龍賜與騎。

新開麟閣賞元功。頗牧重看出禁中。此去西人須破膽。將軍昨日下午遼東。

軍中歌舞喜投醪。令下如山戒驛騷。扶杖已聞秦父老。王師有詔肅秋毫。

天上黃河萬里來。巨靈高掌抱雲臺。遙看丞相行營過。日射潼關四扇開。

涇原西北駐王師。尺一無煩介馬馳。共道皇恩天浩蕩。不教京觀築鯨鯢。

莫愁登隴望秦川。休道長安在日邊。驛騎流星催露布。捷書三日到甘泉。

虎狼十萬競投戈。不唱三交隴上歌。朝見降書來北地。暮看烽戍罷朝那。

慶陽固原相繼降。

袞衣照路有輝光。班劍威儀出尚方。大將囊韃迎道左。萬人鼓吹入平涼。

三軍解甲隗臯宮。百丈磨崖待勒功。欲紀元和天子聖。更攜參佐上崆峒。

丹青圖畫上麒麟。五等俄驚寵命新。未許熊羆歸禁籞。且懸堂印鎮三秦。

部議圖海封二等侯。有旨封二等公。

河西三將氣如虹。百戰功名次上公。詔下一時齊虎拜。漢朝爭羨竇安豐。

將軍張勇。進爵靖逆侯。提督王進寶。進奮威將軍。總兵官孫思克。進涼

督州提

三月軍鋒次渭橋。旋看飲至紫宸朝。空言韓范威名大。五路何曾制曩霄。

秋夜

秋氣已沉沉。閨中望遠心。星河千里雁。風露萬家砧。隴水自嗚咽。武溪多毒淫。併將思婦淚。遙寄塞垣深。

得留仙書知將入楚

還吳戀子舍。適楚動離心。列戍洞庭埜。征帆雲夢林。寒潮秋望遠。楓葉暮愁侵。此去逢漁父。休爲澤畔吟。

寄汪若文堯峯隱居四首

卜築何峯好。堯峯近太湖。尊鱸供客饌。橘柚足官租。泥飲從田父。題詩付獠奴。蕭然山澤裏。真有列仙儒。海內紛傳檄。烽烟數驛騷。算緡諸道急。伐叛幾年勞。久已疑吳淖。頻聞赦貫高。步檐還倚杖。中夜首應搔。黃公壚下過。感舊每停車。哀樂中年事。艱難遠道書。新知虛託契。老輩久離居。生意憐枯樹。婆娑略似渠。欲訪天隨子。來過甬里村。五湖正秋色。一棹到閑門。林屋探仙跡。咸池問水源。嗒然白雲外。相對坐開猿。

題江辰六借書圖二首

何處淹留可判年。亂書堆裏日高眠。何人解似宣城守。手爲江郎割半氈。飲馬荆江戍。火紅龐眉書客。悔雕蟲。諸生亦有封侯相。一卷陰符兩石弓。

題冒辟疆姬人圓玉女羅畫三首

雪後空庭氣蕭瑟。千頭紉竹尙嬋娟。畏寒凍雀不飲啄。斜日躡枝相對眠。疎篁寒雀記取凌波微步來。明珠翠羽共徘徊。洛川森森神人隔。空費陳王八斗才。水仙堂堂策策百千頭。荇葉菱花滿碧流。彷彿吳興騎馬處。江南風色白蘋洲。蘋花戲魚

題汪季角百尺梧桐閣卷二首

別館多梧桐。偶此成幽寂。獨向高閣眠。夜聞疎雨滴。

百尺高樓上。何人相往還。夕陽海門樹。秋雨江南山。

再題梧桐閣卷

河漢澹中夜。碧梧陰漸疎。幽人坐高閣。秋色滿巖居。風竹同蕭瑟。蒼苔倦掃除。數峯江上好。朝夕映琴書。

和曹陸海舍人壽良懷古二首

長城自壞復誰尤。戰地經過憶唱籌。野鳥啼春寺門寂。可憐猶似白符鳩。

右鳳山寺檀道濟戰場

鐵鎗名抵周陽五。夾寨楊劉各一奇。可惜英雄爲梁死。不知世有鬪雞兒。

右王彥章故宅

答盤山拙菴道人寄電光雲鶴諸集

曹溪遊萬里。酌水問南能。世界隨緣住。人天最上乘。蕭然白足侶。不作紫衣僧。寄我新吟卷。清涼五月冰。

悼亡詩二十六首哭張宜人作

一錯誰能鑄六州。薰砧無復望刀頭。當年對泣人何在。獨臥牛衣哭暮秋。

少小香閨熟女儀。雞鳴長自軫風詩。君如德曜齊眉日。我愧樊英答拜時。

門第河東雙戟圍。當年燕子傍誰飛。可憐陌上花開後。常送香車緩緩歸。

小閣垂簾日掃除。鑪薰茶具宛精廬。紅囊揀得釵頭茗。手淪清泉伴著書。

千里窮交脫贈心。蕪城春雨夜沉沉。一官長物吾何有。卻損閨中纏直善切。

臂金辛丑春閩中友人許天玉公車過廣陵以匱乏告予適無一

錢·宜人解腕上  
條脫付予贈之·

樵蘇絕爨未知愁。林下風期矢白頭。廿載無衣搜畫篋。不曾悔卻嫁黔婁。  
雪白花紅繡襖齊。頻年醜面祝中閨。牙牙學語今何似。忍聽驕兒索母啼。  
病中送我向南秦。感逝傷離涕淚新。長憶啼猿斷腸處。嘉陵江驛雨如塵。  
灞橋秋雨望秦川。劍閣西風聽杜鵑。萬里不歸歸有路。雙魚何處達重泉。  
三載西風雁影分。登高淚盡隴頭雲。從今腸斷重陽節。又採寒花酌細君。  
蚤歲曾期共隱居。祇應桓孟得相如。青山縱有歸來日。更與何人挽鹿車。  
鋪首經秋澀綠苔。承塵蛛網任成灰。祇餘金縷裙猶在。爭忍無情布施來。  
遺掛空存冷舊熏。重陽閣閉雨紛紛。方諸萬點鮫人淚。灑向窮泉竟不聞。  
肅肅靈風冷繡幃。亭亭孤月掩重扉。寶釵明鏡俱黃土。悔煞秦嘉上計非。  
帖子宜春認舊題。粧樓人去草凄凄。東風不啓葳蕤鎖。一任空梁落燕泥。  
樓角參差幾曲欄。繞欄親種碧琅玕。月明昨夜風驚竹。翠袖何人倚暮寒。  
春前小別死生分。望斷新阡宿草墳。我似東坡老居士。何年歸哭魏城君。  
年年辛苦寄冬衣。刀尺聲中玉漏稀。今日歲殘衣不到。斷腸方羨雉朝飛。  
愁見新年改故年。朔風吹雪欲寒天。黃金屈戍中宵閉。長伴鰥魚夜不眠。  
續絃膠與返魂香。碧海青天路渺茫。若使少君真有術。不辭千里到稠桑。

先兄西樵以  
癸丑秋歿·



熒熒薤露葉還低。華屋山丘理亦齊。四十年來成小劫。匆匆何暇唱黃雞。  
春事愁中復病中。可憐寒食到匆匆。故園夢去瀟瀟雨。一樹棠梨照殯宮。  
藥爐經卷送生涯。禪榻春風兩鬢華。一語寄君君聽取。不教兒女衣於戲反。蘆花。  
陌上鶯啼細草薰。魚鱗風皺水成紋。江南紅豆相思苦。歲歲花開一憶君。  
錦瑟年華西逝波。尋思往事奈君何。若爲乞得江郎筆。應較文通恨賦多。  
宦情薄似秋蟬翼。愁思多於春繭絲。此味年來誰領略。夢殘酒渴五更時。

聞方山北山諸公連日出遊戲寄

公子春蕪白鼻騮。病夫擁褐客天涯。城南幾日無風雨。十里徐熙落墨花。

絕句

石帆山後黃茅屋。一樹寒梅作意香。長憶花開風雪裏。臥聞春雨滴糟牀。

曹正子邀回家兄子側及諸君豐臺看芍藥晚過祖氏園亭八首

回首旗亭畫壁時。重來已是十年遲。應劉逝後風流盡。只有恆河照鬢絲。

昔合肥公招同公戲茗文諸君遊此。今公與公戲皆沒矣。

依然春草樊川路。竝馬來過覆盜門。記得城南天尺五。綠蕪紅藥水邊村。  
陂塘點點烏韃出。夏木陰陰白鳥飛。也似江南好風景。水田一帶學僧衣。  
宮錦千絲費剪裁。說他婪尾殿春盃。老顛賸欲相料理。乞取齊奴步障來。  
雨雨風風態自殊。花花葉葉不曾孤。更添練鵲和蟬蝶。便是徐熙六幅圖。

霑溼春衣更不嫌。花枝姪姪雨廉纖。鬢絲禪榻心情改。閑看兒郎插帽簷。  
沙禽一一事高格。烟柳斜陽初弄姿。更愛風標兩公子。水荇花外立移時。

晚晴賦。白鷺潛來。子遜風標之公子。

友人送白蓮花爲詠

無復澄江載酒船。折枝猶帶五湖烟。香來月白風清裏。花放叢祠水驛前。鴨唼池萍微雨後。犀垂簾押夕陽天。魯連陂上新秋色。觸忤閑愁又一年。

初秋示董蒼水

零落交遊感式微。與君邂逅忍相違。隆中自許眞名士。殿上誰知大布衣。越燕巢空秋近社。鱸魚風起夢思歸。先生未是平原客。玉貌塵中見亦稀。

張員外園亭送金山人歸越

客有越鄉感抱琴。辭上京離堂秋月色。別思楚鴻聲。水國三千里。冰絃一再行。成連何處去。今夕獨移情。金孝章以壬子冬畫梅寄予兄弟。今六年矣。丁巳七月。先生之子祖生至京師。始見之。而先生與先

兄考功皆已下世。愴然賦詩四首。

拗取銅坑玉一枝。江南春贈隴頭時。到來已是塵沙劫。賦得瑤華欲寄誰。  
維摩方丈幾黃昏。春草禪房日閉門。成佛生天兩何處。暗香疎影爲招魂。  
花時鄧尉夢無聊。十七年來似暮朝。恨不相攜風雪裏。短篷同繫虎山橋。

十笏。先兄堂名。春草。閑房。先生所居也。

當年五字寫柴桑。又寄孤山世

外香。一幅生綃千載意。也應配食水仙王。

辛亥歲。先生手寫陶詩見寄。

西蜀

唐家宰相迴翔地。漢代公孫割據秋。劍閣益州何日西南銷。戰伐浣花行樂看遨頭。

峨仍北向。彭門波浪自東流。風雲諸將爭秦棧。鼓角中宵夢

哭公馱吏部二首

零落親知更有誰。聞君訣去不勝悲。彈琴古調千秋絕。說劍雄一代奇。舊館脫驂應出涕。天涯磨鏡是

何時。故人雙鬢蒼浪在。賸欲刊君第二碑。  
廿年藝苑忝同遊。迴憶音塵淚不收。結客曾傾四公子。論兵欲動五諸侯。  
翰閣道牛手定。君文纔幾日。可憐馬策慟西州。  
丙辰春。先生以全集寄予論次。

見北山遊西山詩示謝千仞

吟眺清暉思不窮。昔遊如夢幾人同。憶君共蹋西山雪。坐聽清猿萬木中。

山茶雪兔

石罅猩紅透幾枝。花間東郭眼迷離。漫天風雪鷹初擊。正好營君三窟時。

郭河陽雙松平遠為牧仲題

石骨嵯峨五鬣盤。河陽筆底傲秦官。興亡七百年朝槿。留得蒼蒼耐歲寒。

孝昭皇后挽詞六首應制

金卮流塵掩。瑤齋寶幄空。禁花零曉露。苑柳泣春風。思媚傳千古。深恩徧六宮。唯留歌詠在。應與二南同。  
上壽慈寧日。人知內則賢。徽音殊未遠。文母至今憐。淚灑鶯花色。神傷祓禊天。淒涼餘故館。猶近濯龍前。  
祕殿傳金策。神人覆玉衣。四星初應曜。一鑑忽藏輝。脫珥言猶在。乘雲馭不歸。皇情宵旰切。永巷漏依稀。  
萬乘親臨送。容車出國門。羽儀辭禁掖。笳鼓望陵園。素旄浮雲慘。青山落日昏。臣民同雨泣。哀動鳳凰原。  
西汜沉寒月。中天澹夕陽。愁雲低壠樹。春禁罷公桑。楚挽蘭風寂。虞歌薤露長。通靈應有夢。可到紫宸傍。  
溇渺沙河道。淒淒玉輦空。綺疏隔夜月。繡帳肅靈風。故劍皇心切。謂仁孝皇后。祠官禮數同。榮名綸綍貴。早賁九原中。

蟬

雙樹有鳴蜩。孤情伴寂寥。自緣飽風露。不肯逐金貂。驛路關門雨。斜陽浦岸潮。年年行役處。爲說幾魂消。

爲尤展成悼亡二首時予喪張宜人三載矣

三年明月鑒虛帷。那更吟君惆悵詩。不分阿灰腸斷句。黃昏微雨畫簾垂。  
金昌亭下柳毵毵。長記烏啼送曉驂。風景不殊人不見。謝家飛絮滿江南。

陳其年索詩送王生之襄陽

試說襄陽好。曾遊路不迷。江帆過峴首。水竹繞檀溪。市上江陵估。機中竇氏妻。不知征戍後。誰唱白銅鞮。  
遙題王咸中石隴山房四首

我愛堯峯叟。汪鈍翁。憐君比屋居。雲林交罨畫。烟火共村墟。顛倒牀頭屐。逍遙谿上漁。漢陰雞黍約。今古意

何如。

高情耽野逸。文采舊清門。跡與市朝遠。心將達者論。飛泉晴界道。修竹雨連村。誰識逃名客。蓬蒿方灌園。心遠地仍偏。琴書雜坐眠。湖霜收橘日。社火焙茶天。人意孤雲外。山容太古前。叩門田父至。檻縷亦欣然。筆墨誰能事。吾宗今右丞。茂京作石 臨圖悠然輞川路。寫向剡谿藤。短笱宜行藥。空林偶飯僧。片帆天外影。興到直須乘。

送宋牧仲員外權贛州四首

都亭一樽酒。落日照行軒。帆下潯陽郭。春過敷淺原。故人持使節。微尚愛丘樊。想到西林寺。清吟和夜猿。文成誓師處。慘澹尙聞笳。野戍青山遠。荒江白日斜。春風渡蛟浦。夜雨宿龍沙。戰地多新鬼。須添兩鬢華。章貢交流地。孤城百戰餘。江山應不改。父老問何如。五嶺稀烽火。三湘動羽書。似聞兵馬後。租賦未全除。後月餘有旨。盡錫江西道繼。

贛石三百里。寒江尺五流。帆檣來島客。風物逼炎州。試訪端明蹟。應懷清獻遊。山川供嘯詠。莫似賈胡留。二公向同九日寄說巖院長。初菴學士內直。

沈寥天氣渺愁予。無恙黃花伴索居。江介龍鼉聞漸徙。鄉園鴻雁近何如。千門落照寒鷗發。一片寒砧木葉疎。遙憶故人清切地。登高彩筆奉宸輿。

以昌樂筆送容齋閣學戲成

承旨歸來每日曛。揮毫猶足張去聲。吾軍只愁坡老三錢筆。難稱郇公五朵雲。

答徐東癡隱居小雪見懷之作

積雪東原路。孤村似剡溪。幾年阻乘興。千里憶幽棲。凍雀柴門掩。寒烟古木齊。不逢洛陽令。僵臥到晨雞。

題龔節孫種橘圖二首

震澤鱸魚欲上竿。千林風露熟金丸。美人無事披香坐。領得頭銜是橘官。會稽內史風流甚。三百封題引興長。何日扁舟洞庭上。與君小摘滿林霜。

題其年填詞圖

玉梅花下交三九。其年詞句。紅杏尙書枉擅名。記得微吟倚東閣。梅花如的撲簾旌。

洪昉思送湖州茶笋二絕句

愛道前溪似若耶。行騰歸去便移家。匆匆未訊溪山好。第一先分顧渚茶。周妻何肉斷根塵。玉版聊堪結淨因。贏得武康斑竹笋。從今休笑庾郎貧。

二月二日大雪晨起懷愚山淵公耦長

夢覺聞飄警。虛窗徹曉明。蕭條同委巷。悵望倚簷楹。寒色饑禽語。荒塔折竹聲。雙羊風雪路。留滯遠含情。

雪中簡秦對巖

第二泉邊路。扁舟落鏡中。林塘春命酒。風雪夜推蓬。別鶴吳田渺。歸鴻楚塞通。朝來吟望處。流霰滿房櫳。

和施愚山喜梅耦長至

新詩冰玉質。故人蘭蕙芬。相逢姑射客。宛對敬亭雲。雪色融春霽。清談入夜分。翻憐金錯贈。十載託殷勤。

題蘇臺楊柳枝詞後二首

汪鈍翁編修首唱。吳越和者數百人。

白家半格詩曾見。愛說蘇州柳最多。

不似蘇州柳最多。樂天詩也。

今日鈍翁吟卷裏。雨條風絮奈君何。

雁齒紅橋鴨嘴船。麴塵風起豔陽天。明湖憶得吟秋柳。慘綠當年最少年。

予賦秋柳詩。時順治丁酉。海內和者。亦數百家。

送吳僧尙德歸堯峯

迢遞青山路。風流白足師。安居深雪裏。行道落花時。京洛過寒食。江帆拂柳絲。歸逢尊宿問。應識馬駒兒。

送吳天章歸中條

中條最深處。風物四時幽。水鶴穿雲下。林楓夾岸稠。人烟盤豆驛。村路玉溪流。臥起清暉裏。蕭然何所求。

送董蒼水歸雲間

昔作甌閩客。漳泉正合圍。江瑤驚旅食。山鳥怪儒衣。邊徼逢人少。諸侯好士稀。長篇猶在篋。感激涕交揮。

蒼水閩歸有見。寄百韻詩。

送鄧孝威授正字歸海陵再示豹人

當年綺里季。曾友夏黃公。共詠紫芝曲。俱棲巖穴中。鬢眉驚漢帝。羽翼緬高風。一出還歸隱。白雲商洛東。

送山史歸華山

華山丹頂鶴。清唳向西峯。不羨三珠樹。長棲千歲松。林巒有佳色。眠起日高春。石上流泉好。菖蒲方紫茸。

送吳僧秋皋之津門

上人有句云。鳥啼殘雪樹。人語夕陽山。

愛君殘雪句。宛似碧雲篇。獨向中峯住。深參五味禪。直沽春水岸。通潞夕陽船。乞食王城去。遙聞袒右肩。

題顧茂倫雪灘釣叟圖二首

垂虹秋色東南好。雨笠烟簑送此生。今日三高祠下過。唯君不愧隱人名。  
彷彿桐江百尺臺。傍人漫作客星猜。投竿一笑烟波外。陽鱉紛紛入釣來。

送宗梅岑歸淮南

相逢纔幾日。復欲返東原。梁父雲間樹。蘭陵雨後村。雄雞能斷尾。野鶴詎乘軒。  
一葉邗溝水。隨潮到里門。擬山家閨怨。戲爲鈍翁編修作。

璇璣賦罷氣凌雲。下直金蓮每夜分。那憶璇璣圖上字。錦機辛苦寄週文。

送李鄴臣赴東安

我愛瀟湘水。粼粼見底清。稍聞征戍罷。遙送使君行。別浦石蘭長。叢祠斑竹生。  
經過道林寺。沈杜有題名。午睡

蘄州笛材好。八尺含風漪。恰稱龜茲枕。閑拋玉局棋。涼蟬陰卓午。花鴨水平池。  
富貴浮雲耳。寧須熱客知。

蠅

幾日亂朱紫。商飈欣掃除。孫郎彈不易。戎子賦何如。瑟瑟涼初至。營營計已疎。  
何來遽集此。往事笑中書。與陸冰修

我愛辛齋叟。蕭然無世情。笑看公府辟。夢憶故山耕。斜日樹交蔭。微風蟬一鳴。  
知君人境外。寂寞道心生。

初秋索梅耦長畫



詩到無聲足臥遊。雨窓含墨對清秋。不知鄉思今多少。祇寫澄江與北樓。

送李武曾之鳳陽郡幕

武曾嘗客公。戩吏部近有樂府後補題諸調最佳。

年來巖谷覺春姿。誰遣青松獨後時。七月僧廬常避客。八公山色又臨歧。故人惆悵題襟集。好句玲瓏散水詞。此地正迎清潁尾。西州應有淚如絲。

送冰修歸海昌兼寄朱生二首

且住爲佳耳。將歸可奈何。人隨吳雁影。葉下浙江波。好往尋鱸膾。誰當破雀羅。小叢今老去。重唱竹枝歌。

予戊申歲。送冰修南還。賦竹枝歌三首。今十二年矣。

老大身將隱。飛揚氣自雄。遊燕交馬客。歸越事猿公。仙飯青精飯。諸儒白虎通。故人朱季在。何處駕飛鴻。

送李杞瞻歸涇陽

故國傳烽火。歸來弔戰場。三秋看太白。萬騎塞陳倉。射虎身猶健。聞雞意不忘。悲歌燕趙別。風雨又重陽。

送葉井叔歸樊上六首

今日華陽館。誰當是劇辛。重陽一杯酒。風雨送歸人。

秋盡黃州路。千峯送馬啼。夢回山館裏。落月汝南雞。

斷岸黃泥坂。寒江千尺流。羨君歸去好。雲夢澤南州。

舊業在寒溪。門前五株柳。遊子到家時。日上樊山口。

西山松櫪多。谷口好泉石。君登九曲亭。蘇公有遺跡。

我夢石魚湖。依依問整叟。試尋修竹林。爲予安井臼。

花燭詞二首。戲爲鈍翁賦。

鈍翁既改官翰林。往迎兩如夫人。皆不行。而爲別納小姬。因賦是詩。

碧玉迴身奈此霄。汝南雞喚夜迢迢。從今倦聽蘭臺鼓。莫更熏衣事早朝。  
羸女吹簫引鳳雛。莫將縑素怨狂夫。似聞一語分明寄。我見猶憐况老奴。

雁

五聽長安雁。征夫猶未歸。重城聞搗練。幾處寄寒衣。雲夢雪中去。瀟湘蘋際飛。沅州射生滿。好避弋人機。

題汪鈍翁洞庭詩後

蒲帆十幅逐沙禽。罨畫湖山次第尋。香稻炊來鱸切玉。高林霜後橘懸金。且招龍伯閑投釣。卻笑鷗夷苦用心。兩洞庭前三萬頃。不能同上上頭吟。

跋傅彤臣侍御楊柳枝詞後

衣上明湖舊酒痕。漢南昨夢苦銷魂。仙人有恨看銅狄。羌笛何心度玉門。斜日靈和春殿樹。西風清弋晚江村。卅兮城畔新吟好。只似三生石上論。

問鈍翁編修疾

先生方丈似山茨。問道維摩病起遲。生可心情同木石。依然談笑却熊羆。  
坡詩。此老神完中有恃。談笑可却千熊羆。別裁僞體  
時流忌獨抱遺經。後代知遙憶玉堂。清夜夢雪中。花塢水邊籬。

又戲呈鈍翁二絕句

藥爐經卷日相親。隱几蕭然遠市塵。聞道姬人怨服散。也須料理苦吟身。  
紅蕤枕畔辟寒犀。夢覺時聞烏夜啼。若使清齋三百日。箇儂何異太常妻。

爲愚山侍講題嚴蓀友畫

山氣花雲雲作烟。幽人篋笠不知年。清谿曲逐楓林轉。紅葉無風落滿船。

送鄭郎赴粵西幕府故耶中次公子

當時紅旆向西川。水部風流似鄭虔。被酒共眠金雁驛。分題多在浣花牋。故人一別成千載。公子重逢又十年。去謁征南年正少。牂牁春盡水如烟。

寄題鮑聲來草庭

愛君三徑好。芳草滿南榮。微雨過時綠。春風吹處生。紛紜響帶色。瑣細楚騷名。不是江潭客。休悲鷓鴣鳴。

謝梅耦長送木瓜

宣城木瓜壓西洛。秋林黃處滿寒烟。寄來修竹明窗底。留伴疎梅小雪前。橘柚初包難遠致。榼梨雖好未須憐。相思愧乏瓊瑤報。重賦風人第一篇。

辱耦長枉酬佳作有方物昔年勞入貢之句偶倣義山體再報一首兼邀施愚山陸辛齋同作

作貢當年事已陳。烟林搖落重含辛。空臨謝眺城邊水。不逐唐羌驛路塵。灰可藥魚妨稚子。香堪漬粉教姬人。北宮賦後情何限。解使韓宣賦更新。

賈兵部改中條別業爲巢雲菴索賦

右丞輞川宅。江令攝山居。本自香林境。宜緝貝葉書。花藏共命鳥。池長放生魚。已悟非身義。何須演鹿車。  
冬夜大雪時王師方取蜀

翳翳窮冬雪。蕭蕭天北風。清思戴安道。壯憶大梁公。寂寞剡溪興。蒼茫洄曲功。聞雞不成寐。松火夜深紅。  
李愬弟德。亦封梁國公。杜牧詩人。稱小太尉國。號大梁公。

### 聞奮威將軍保寧大捷

秦軍四道出巴庸。在德何勞設險重。寶玉大弓歸魯廟。華陽黑水盡堯封。寶人筒布寬新賦。王祭包茅問舊供。遙憶師行過枕席。劍門千仞削芙蓉。

### 冬杪臥疾寄愚山辛齋耦長

閉關當歲晏。窮巷少來車。免豈相如病。交宜叔夜書。松聲含浙瀝。雪色照清虛。獨愛文殊好。時時近起予。  
喜聞官軍已復保寧

大將臨興勢。神兵下武都。地中鳴鼓角。天上拔蝨弧。困獸誰能鬪。長鯨竟就誅。錦屏連劍閣。絕壁勒銘無。  
二月六日雪答梅耦長兼示陸冰修

長安春雪好。作態故霏霏。乍入幽蘭曲。真疑柳絮飛。故人同委巷。曉色共清暉。且擬調湯餅。比鄰問陸機。  
同愚山侍講弘衍菴看海棠東梅耦長四首

韋杜城南十萬家。東風處處酒旗斜。不知冷節匆匆過。猶見僧樓一樹花。  
木魚聲靜佛香遲。日午風簾自在垂。好是維摩方丈室。恰逢天女散花時。

沒骨天然別有情。風流何處錦官城。會禽圖裏依稀見。安得徐熙爲寫生。

平陽池館亞枝紅。移入香林便不同。莫爲叢殘自憐惜。梅家詩體擅江東。綢長先有三絕句。

送張仲誠知資縣

不憚三巴遠。高名萬乘知。子規聲斷處。山木雨來時。囊有涪州易。園無魯相葵。王褒諸弟子。應習鹿鳴詩。

齋中三詠

金孝章畫梅俊明。

鄧尉花時雪。幽人日往還。生綃纔半樹。忽憶漁洋山。

徐昭法畫芝朮

天池白雲裏。寫此商山姿。感君黃綺意。勝食齋房芝。

王玠右草書光承

逃名東海上。時復帶經鋤。自是高人筆。非關餓隸書。

送江辰六令益陽二首

作吏湘南去。浩然尋舊遊。秋風吹木葉。初下洞庭流。城對茱萸岸。香傳杜若洲。毬門高唱在。重上岳陽樓。小邑稀公事。高齋俯洞庭。佳期邀帝子。遺曲感湘靈。澹水悠悠綠。君山面面青。詩成閑拄笏。雲際九疑亭。

送同年伊翁菴中丞巡撫雲南二首

金馬山前駐碧油。青蛉塞外陣雲收。天威近已通諸賧。王會依然徧九州。銅弩雨深諸葛壘。叢祠春賽頌

川侯。鏡歌鼓吹征蠻府。萬里昆明是壯遊。  
柏臺新命帝親除。重譯西南罷羽書。雒將朱鷺皆內屬。越人黃屋竟何如。賜來天廐飛龍馬。行避中丞赤  
棒車。荒服祇今勞睿慮。要令絕域化耕鋤。

雨夜再題梅瞿山畫松

林燈明暗雨模糊。雷電冥冥夜氣孤。破壁長松欲飛去。曉來疑是坐龍圖。  
宣和御府所藏有  
僧傳古坐龍圖。

供奉某君歸吳門索詩四首

玉斧森沉罷講迴。承恩別殿午仍開。凌烟將相尋常事。曾寫龍顏日角來。  
歸釣吳淞四十鱸。手炊楓葉飯雕胡。卻思待詔蓬萊上。細寫淋池斫鱸圖。  
弄筆明窗作臥枝。寫生妙處幾人知。篋中藤角光於水。貌得蠻鳩義燕兒。  
一片青山短簿祠。夕陽花隴帶茅茨。歸心便逐江鴻去。已過橙黃橘綠時。

開道

開道降王入。經時尙濟西。徘徊爲怪鳥。進退類藩羝。鐵券功何在。金牀夢已迷。回頭郿隴遠。不必怨然臍。  
答劉子羽見懷

聞君卜築處。舊傍瑯琊臺。海氣秋逾遠。濤頭日幾迴。秦封猶廣麗。石刻自莓苔。想像高吟罷。鯨魚跋浪開。

閩中秋夜不寐悼亡

時張淑人  
歿四年矣

商飈浙浙響庭除。竟夕蘭膏映綺疏。閩氣經時驗梧葉。月華重見溢方諸。紅牆銀漢途難越。碧海青天怨

有餘。悵江東謝希逸。芳塵凝榭欲何如。

庚申閏八月。奮威將軍王進馬。自固原進馬二十四。

聞道安西將。龍媒貢御新。籬雲近閭闔。行地有騏驎。險阻三巴路。驍騰百戰身。長鳴思駕馭。終爲靜風塵。

聞蜀警懷茂衍大參

行李捫參井。何時達錦城。懸軍今益部。設險古南京。夔府公孫壘。瀘江漢相營。艱危望消息。天末未休兵。

不得宋荔裳妻孥消息

宋玉今終古。西川信未通。九原悲馬鬣。八口寄蠶叢。想像離綿竹。艱難出大蓬。猶聞豺虎亂。未可泝巴東。

# 漁洋山人精華錄卷九

## 今體詩

詔起奮威將軍鎮保寧

仍用買馬韻

手詔雲霄下。將軍授鉞新。卽看驅虎兕。不必鬪麒麟。百戰能輕敵。孤忠久致身。龍驤功第一。重憶定三秦。

### 聞官軍復瀘州

月黑斫連營。嫖姚轉戰輕。已探猛虎穴。急扼釣魚城。三峽烽相照。雙江浪漸平。萬州羣盜在。從此事刀耕。

爲牧仲題黃鶴山樵破臆風雨卷

卷首四字分錄書古田作

風雨催黃葉。蕭蕭下敵廬。秋涼擁衣褐。老屋卷殘書。遠岫茫茫失。寒潮淦淦虛。故園饒此境。歸思近何如。

### 懷翁菴中丞沅州

渺渺沅江路。悠悠楚塞窮。昆明猶萬里。休聽鼻亭公。

### 送陸辛齋歸海寧

叢菊初花秋氣深。花前君唱渡江吟。杜陵乍喜歸三徑。寶劍猶堪直百金。樽酒離亭折楊柳。孤舟遙夜泊楓林。若邪谿水雲門寺。欲約東遊思不禁。



辛齋已行復來取別再送之

意外復攜手徘徊下潞亭。扁舟逐陽雁。秋色老江萍。去路潮連樹。離心雪滿庭。入門嘲陸展。一笑攬星星。

送侯大年歸嘉定

送客三江去。東吳更向東。潮添瓜蔓水。秋老鯉魚風。往事浮雲外。名家信史中。明年見侯喜。把釣莫匆匆。

題王元照仿宋元人小畫爲牧仲作

琅琊家世鳳麟洲。翰墨人間第一流。松勢高低疑鶴啄。溪紋參伍學蠶頭。扶筇名岳雲峯細。放鶴空亭雪

棧幽。白首奉常今又死。買絲重擬繡廉州。烟客先生以今年卒。

題王元式國博秋思詩後。詩云。秋雨茂陵人獨臥。西風汾水雁還來。

茂陵風雨瀟瀟夜。愛爾哦詩四壁秋。多少長安苦吟客。瘦羊博士擅風流。

史局漫興

南山種豆憶長林。東觀淹留諧隱心。巫峽猿啼兵未解。武谿鷲跼歲將陰。牢愁不畔中山酒。慷慨還爲上塔吟。囊筆年年竟何補。虛將衰髮點朝簪。

得翁菴書

昔建中丞節。天邊送使車。連朝薊門雪。一紙漢陽書。雲夢征鴻起。沅湘落木疎。夜郎莊蹻路。兵氣近何如。

送袁士旦之玉田

無終東去路。亭鄣古雄邊。水出彈箏峽。春生種玉田。馬蹄穿塞雪。鳥道入山烟。詠史清秋夜。應逢謝尚賢。

送李松客令高淳託訪詩人邢孟貞遺集

縣庭臨石臼。風俗至今淳。鳧雁成墟市。菰蒲雜吏人。花時閑臥閣。漁舍曉班春。借問詩人宅。柴門滿白蘋。

李因是詩。訪邢妻子。以三百金爲贖。田若干畝云。

懷崔不雕 不雕常有丹楓江冷人初去。黃葉聲多酒不辭之句。爲世傳誦。

藉甚崔黃葉。才名二十年。身無一枝隱。詩已衆人傳。屋傍撈鰕渚。潮荒種蛤田。風塵京洛客。深愧博陵賢。

十一月六日星變

召對紀事

明河寒已沒。白氣亘宵長。掩月光疑晝。經天夜有芒。轉輸窮蜀道。邊計切秦疆。見說蓬萊仗。公卿近御床。

是日有彗併秦蜀制府之命。

送高念東先生予告還山五首

前身憶是陶通明。山中白雲無限情。滿院松風一聲鶴。三層樓上坐吹笙。

若士雲將是夙期。相逢汗漫欲何之。偶然擲杖成龍去。又過蓬萊日主祠。

何處神山滄海東。巨峯萬仞插晴空。青天無數雲濤捲。下視辰韓墨黠中。巨峯。勞山最高處。

暮遊碧玉閨。風顛朝過扶桑近。日邊戲弄東王與西母。神芝行處滿瓊田。

曾窮華蓋與鈞陳。又到朱陵蜃海濱。不信仙人十洲地。也傳風俗似吳人。

再送念東五首

龍門雪後山爭白。金谷園中花映紅。著箇香山老居士。任人圖畫作屏風。  
解印歸來履道居。風情真似白尙書。孤琴隻鶴還留在。駱馬楊枝卻讓渠。  
錦湖秋色漾漣漪。湖裏遊人歌竹枝。斜日泊船紅蓼岸。神鴉飛過魯連祠。  
長白山中跨白驢。偏提時掛小籃輿。八驕朱雀航南路。可似先生薄萃車。  
龍水羣山繞郭明。杖藜隨處有泉聲。名藍金碧和煙雨。小李將軍畫不成。

曉雪

稍稍侵簾額。盈盈墮瓦溝。竹枝全搶地。芸餅未離篝。風峭遲開閣。窗明緩裹頭。如何玉堂曉。偏憶剡川遊。  
叨菴翰長招同荆峴侍講羨門編修過善果寺

輓伊翁菴中丞二首

家世南充郡。唐伊慎。封南充郡王。功名僕射看。行營諸道合。報國寸心丹。未取黃金印。先逢白玉棺。招魂何處是。瘴

霧夕漫漫

馬革平生志。昆明未息戈。星辰移九列。書檄動諸羅。歿視悲荀偃。生還失伏波。故人歌薤露。流涕向山河。

瀛臺賜宴恭紀六首

朝來勅賜宴淋池。桂檝蘭舟待水嬉。渡盡雲沙回首望。綠楊風外颭黃旗。  
越羅吳錦尙方來。黃紙書名繡作堆。次第鴈行齊拜賜。涼蟬聲裏謝恩迴。

御舟往往艤沙汀。瓊島中流日幾經。不是華林樂魚鳥。慈顏近在五龍亭。

唐詩·玉船風勁酒鱗紅。

中旨頻傳內大臣。龍眠學士命重申。捧觴跪起華裯上。蘋末風來散酒鱗。崇蘭風汎共徘徊。九畹揚揚取次開。鄭重天香攜滿袖。移從弘德殿中來。太液池中百子蓮。花開十丈藕如船。酒闌宣賜歸鞍重。錯認滄洲太乙仙。

送毛斧季歸常熟故處士晉子也。

昆湖有真隱。金粟緬高風。桑海遺民老。襄陽耆舊空。人言虞仲里。又得小毛公。廿載淮南別。吳江幾落楓。

中秋後得富順范生嘉州帥生書。知其陷賊。不辱偽命。遂有是作。

幾載豺狼橫。去聲巴蜀今朝書尺慰相思。天彭井絡欣無恙。伏劍佯狂更不疑。會見費貽徽合浦。何妨甄

濟動京師。汝曹識字知忠孝。一笑南樓倒接離。

蘇羅國王墓。在德州。王以明永樂十五年來朝。賜印誥。歸次德州卒。葬以王禮。謚恭定。

當年重譯入長安。屬國威儀盡漢官。萬里滄波歸路遠。九河春雨墓門寒。空聞螭首生金粟。無復魚膏照玉棺。欲薦溪毛重迴首。亂鴉殘日夕漫漫。

寄李鄴園尙書二首

閩天烽火達錢塘。太乙靈旗指越疆。文武共推周吉甫。勳名誰竝郭汾陽。椎牛五夜千夫膳。射虎三秋百戰場。今日羅平妖鳥盡。早聞憂國鬢如霜。

爛柯山上陣雲低。太末城頭月暈齊。飛檄直臨彭島外。織塵不動浙江西。戰袍血濺盤鷗鷁。雄劍霜寒淬

鷓鴣半壁東南功不細。天書頻下武都泥。

和徐健菴宮贊喜吳漢槎入關之作

丁零絕塞鬢毛斑。雪窖招魂再入關。萬古窮荒生馬角。幾人樂府唱刀鐮。天邊魍魅愁遷客。江上尊鱸話

故山。太息梅村今宿草。不留老眼待君還。吳梅村先生昔有送漢槎出塞長句。見集中。

大雪過宋牧仲郎中

至後第三雪。依然六出斜。度窗明曙色。穿樹競春華。清唳鶴將子。暗香梅著花。素心零落盡。動卽到君家。

雪中牧仲置酒邀食熊白

故人寒置酒。熊白亦初臚。已下何公箸。寧思漢殿時。蟄藏元自密。攻穴苦相危。當食勞三歎。風花滿意吹。

送葉井叔歸楚

落燈風急寒吹衣。寒谿先生昨憶歸。青門祖帳太蕭瑟。白社故人今是非。漢上題襟情不極。郢中懷古和

真稀。碧雲無際楚天闊。目送瀟湘春雁飛。井叔近示郢中懷古詩。甚工。

送汪舟次檢討林石來舍人奉使琉球四首

屬國滄波外。微茫萬里流。雙持龍虎節。遙拂鳳麟洲。守禮諳殊俗。乘槎愜壯遊。使星霄漢上。先入大琉球。

掛席指歸墟。通言隸象胥。避風占海鳥。跋浪舞神魚。卉服看天使。金函護璽書。雄才能作賦。休讓木御名

虛。

積氣浩茫茫。乘流出大荒。嘯歌聞海若。擊汰薄扶桑。日月相吞吐。蛟龍或遞藏。始知九州大。驕衍未荒唐。

見說彭湖嶼。元戎佇捷勳。習流多戰士。橫海拜將軍。出險雲濤壯。飛書露布聞。早成風土記。歸報聖明君。  
上陵歌四首

兩京相望海雲開。馳道如弦候騎催。金馬碧雞新奏捷。太平天子上陵來。  
令支迴合萬重山。閃日旌旗虎豹閑。東望風雲過沛上。西來車騎出蕭關。  
遼水東迴北鎮斜。龍盤虎踞帝王家。依依最是關門柳。十二年前拂翠華。  
艱難王業本岐豐。扶杖來觀父老同。詔賜大酺還給復。一時歌舞徧遼東。  
辛亥。大駕謁陵於盛京。今十二年矣。

贈蔣京少

靈潭名玉女。窈窕富仙蹤。蔣子讀書處。雲嵐深幾重。曾過洞庭野。長嘯祝融峯。他日期相訪。潭烟吟夜龍。  
張祜玉女潭詩。可當烟月下。一聽夜龍吟。

答沈客子示洞庭新詩

吳越具區藪。中浮兩洞庭。逸情逐花水。長嘯獨揚舲。靈笈傳神禹。丹砂訪蔡經。抽帆吾計得。同看莫釐青。  
爲幼華題五子論文圖

馳情渭北樹。注目江東雲。不是顏光祿。誰當詠五君。

雨後至天寧寺

凌晨出西郭。招提過新雨。日出不逢人。滿院風鈴語。

幼華給諫招同愚山健菴大可季用集祝氏別墅

黃門休沐暇。池館愜招尋。人語碧苔徑。鶴鳴修竹林。微風交落絮。流水澹春陰。坐愛鯈魚樂。悠然濠上心。

吾州

休夏吾州好。明湖爽客襟。亭橫帝子渚。北渚。溪繞使君林。酒愛碧筩飲。詩成白苧吟。凭欄指千里。雲外數峯深。

錢選折枝牡丹二首

三尺霜縑寫鼠姑。檀心倒暈貌來殊。如今疑夢還非夢。曾向南泉見一株。卷中多納子詩。

驛騎筠籠進折枝。洛陽金粉入宮時。永嘉水際知多少。謝客曾無五字詩。

滇南凱旋歌六首

鈞天樂動五城樓。玉輅前行十二旂。親見萬方頻送喜。翠華三度幸盧溝。湖南。福建。雲南大軍振旅。皆駐蹕盧溝郊勞。

將軍收取舊山河。飲馬蘭滄萬里波。珍味天廚人不識。禁中特遣一封駝。升中大禮視園丘。黃幄天清宿霧收。朝罷將軍先受賞。尙方催進紫貂裘。都人夾道看旌旄。萬里歸來血洗刀。韉上奇鷹皆帶角。仗前天馬盡拳毛。

原廟衣冠二十春。太平今見上陵辰。象犀瑋瑁新供祭。巧使安南備九賓。上將謁孝陵適安南國請封表至京今年上元賜朝臣宴於乾清宮。致柏梁體。賦昇平嘉宴詩。御書頒賜。

定武蘭亭跋尾二首

繭紙風流世不傳。昭陵玉匣死難捐。乞兒一物雖癡絕。猶勝分香望墓田。

片玉明駝出禁門。人間蟬翼重瓊瑤。一般雲散宣和劫。不及陳倉十鼓存。

寄曰緝侍御

與君契闊十載餘。聞君卻掃身巖居。中年頗學慈氏法。邇來兼讀長桑書。梅開臘月一杯酒。鄆陵臘梅冠天下。冰泮黃河雙鯉魚。擬向老禪分半席。狸奴白牯意何如。

憶公融吏部

公融未沒前一日。與其友蘇銘茂許。在鳳陽龍興寺禪喜竟日。歸旅舍。遂化去。是夕。見夢於蘇。吟詩云。六十爲來一夢醒。飄然四大御風輕。與君昨日龍興寺。猶是拖泥帶水行。

弱草棲塵漫自驚。知君解脫萬緣輕。分明一笑凌雲去。撒手靈芝殿上行。

朱浙清明上河圖二首

萬伯修司馬家物

金明池上柳吹綿。仕女紅粧照水鮮。學取鵝黃宮樣窄。一雙新畫孟家蟬。夢華彷彿舊東京。瞥見丹青眼暫明。忽忽停盃緣底事。西風殘照近青城。

送虞虞山通參予告歸雲南

時年八十有五特賜馳驛

兩朝黃髮承恩久。萬里青蛉擁傳歸。驛路近南梅信早。家山向日鷓鴣飛。劫灰歷後昆明在。華表來時故舊非。檢點賜衣重灑淚。孝陵松柏已成圍。

得董玉虬侍御書

離別是何日。蒼茫十五年。形容非少壯。喪亂各風烟。諫草今誰識。遺經好獨傳。君三註禮。故交零落盡。有夢太湖邊。

題徐騎省集後二首



江左黃星事又新。蕭蕭白髮入咸秦。茂陵玉盃通天表。未信初明是恨人。  
寂寥小雪閑中過。斑駁新霜鬢上加。徐擁鼻微吟一惆悵。殘年風景又天涯。

冬夜詠說巖翰長貽詩感舊賦懷兼呈容齋侍郎

凍雲釀雪故低垂。手藝松明漏箭遲。半世心期三歲字。殘年風景六篇詩。  
草橋南畔看花處。浴殿西頭下直時。暗數同遊幾人在。吟成催白數莖絲。

喬子靜編修見示使粵集。既爲序之復得一絕句。書於卷尾。

澧蘭湘芷供章句。海雨江風生齒牙。卻笑陸郎無此筆。歸裝空載日南花。

和陳子文入蜀詩二首

鳳州三絕無纖手。又少旗亭酒共傾。唯有金絲幾株柳。臨江映驛拂人行。  
古稱鳳州三絕。手、柳、酒。

右鳳縣金絲柳

乍食西川諸葛蓴。重誇楊櫟紫芽辛。柳家新樣君從擅。多少薑芽斂手人。  
子文最工書法。故云。

右蜀薑

跋子文入蜀詩卷

萬里有行役。三巴誰賞音。經過下簾客。風調倚樓吟。羯鼓高臨水。蟬花秀出林。  
舊遊離亂後。根觸十年心。

玉泉

御宿川南似漢陂。碧琉璃滑淨無泥。穠桃弱柳垂垂發。沙燕鶉鴉故故低。  
銀漢紅牆九天上。流雲紫閣數

峯西太平暇日稀遊豫。碧草春深輦路齊。

頃和子文蜀薑詩殊非本意再成一首

蜀味初嘗萬里餘。子薑作鱸憶鱖魚。相思若遇東吳使。爲報張溫欲附書。

懷東癡之德安

垂老匡廬去。初看九疊屏。江湖春浩浩。雲霧晝冥冥。名續高賢傳。人占處士星。伍喬事。相思問鴻雁。幾日泊宮亭。

興州

聞說興州地。炎天冰雪遲。行宮餘故礎。野蔓覆殘碑。虎旅迴遼海。鸞旗拂具茨。名王今款塞。千帳荷恩私。

趙玉峯通政招同沈繹堂宮詹張箸漢太僕郭快菴侍讀信初太常集金碧園

玉峯·漢人·園名  
蓋寓故鄉之意。

雨歇涼生烟景昏。高臺留客共開樽。誰將漢苑丹青樹。種向幽人金碧園。六詔祇今無斥堠。五陵隨地足丘樊。素心晨夕經過數。便擬柴桑處士村。

嚴人弘寫碧山吟社圖題詩留別用韻送之。

碧山吟社好。幾日返雲林。晏起翠微曉。開門黃葉深。君歸自丘壑。予興在登臨。賴畫滄洲趣。依依慰陸沉。

送黃自先之官平遠

水西何處是。險絕播州東。四郡千山外。諸夷一線通。聞猿思故國。騎象識蠻風。荒服皆王土。無勞歎轉蓬。

送黃方叔之官山海

翩翩黃叔度。揖我向榆關。半刺今爲政。長城無限山。扶餘潮信外。孤竹夕陽間。重鎮當年地。茫茫古戍閑。

過宣城館有感愚山故居

暮天黃葉落。一過西州門。無復高人跡。空聞宿鳥喧。新阡思掛劍。愚山屬予序其文集。尙未脫稿。舊館憶開樽。南望澄江水。誰招屈宋魂。

汪鈍翁六十

少壯一彈指。君今六十強。相逢顏色改。別後鬢毛蒼。名在儒林傳。經傳弟子行。河汾姚與薛。幾輩許升堂。

牧仲寄秋日巡海雜詩

不見宋生久。詩來海上峯。振衣臨渤海。長嘯動魚龍。孤竹瞻高節。烏丸指舊封。聽潮相憶處。吟斷角山鐘。

顧茂倫吳漢槎撰絕句詩國朝止三家乃以拙作參牧翁鈍翁之間戲寄二首并示鈍老

少日詞場偶噉名。重教刻畫太癡生。他年傳唱蠻中去。幾許弓衣織得成。  
老去心情百不宜。楞伽堆案已嫌遲。誰能更與堯峯叟。賭取黃河遠上詞。

與趙秋水話申臬盟遺事感賦

溢水去涓涓。東流繞墓田。忽驚辰巳夢。重憶甲申年。謂臬盟尊人節愍公。甲申殉節。夜雨啼山鬼。青春叫杜鵑。平生趙元叔。白首話燈前。

送孫子立編修周星公禮部奉使安南二十四韻

億昔高平役。於今歲屢遷。遂休蠻觸鬪。共識漢唐年。文筒來何數。包茅貢亦虔。越裳馴白雉。征戍罷朱鳶。

响町軍鋒擾西南殺氣纏妖氛橫象郡間道絕龍編正朔依然奉訛言幾處傳乾坤重盪滌遐邇盡陶甄使者南關入長安北斗邊職方陳貢贊鞞鞬列宮懸忠孝聞天語奎章照海堦飾終王禮備繼世主恩偏胙土諸侯貴行人二妙賢璽書頒册府英蕩破蠻烟衡嶽開雲霧湘流任泝沿麾前驅瘴癘規外指星躔銅柱懷新息丹砂訪稗川採香三丈木繖繭八蠶綿飛鼠紅蕉裏羚羊碧樹顛檳郎供釀酒蚺子上盤筵風土由來異聲靈此日宣望塵紛絡繹騎象競駢闐國體千秋重輶車萬里旋交州新有記眞見雒名田

憶山居示兒子

堂靜看歸燕村深報午雞松花開細雨筍竹併春泥澗道水兼石山田高復低休慚令狐子黽勉把鉏犁

寄靈巒

看山復臨水瀟灑坐禪身我愧龐居士師如竺道人打包殘雪映歸寺藥苗春石澗新流滿相期淨六塵

過丁香院訪張杞園不遇題壁

吟遶長廊取次行主人不見綠苔生蜂聲滿院日卓午花氣撲簾春晝晴

爲朱悔人題王叔楚畫竹卷

叔楚名翹字時羽吳之嘉定人靈宗米芾尤工草蟲及竹見徐氏海隅集王山人誌

茅齋青壁幾年成溪路無人略約橫一夜春雷動崖谷四山風雨籟龍驚

題乘風破浪圖四首

海外眞看大九州青天一髮是琉球人間奇觀君知否萬里滄溟萬斛舟

扶桑東望海天孤虎節龍章擁萬夫正是水犀酣戰日樓船十道下澎湖

百靈不散石郵閑。親見神魚跋浪間。青史他年詫奇事。天風三日到中山。竹冊親頒異姓王。歸來封事動明光。儘教乞與丹青手。寫作靈槎著日傍。

讀宋胡忠簡公經筵問答題後

御香都染侍臣衣。回首神霄是禁闈。卻憶宣和當日事。玉真軒裏見安妃。

河間從山公乞滄酒

五時新成禮百神。同時啣命帝城闈。朔風初過毛萇里。西日難遮庾亮塵。丹荔黃蕉炎海路。茂林修竹鏡湖濱。今宵且乞麻姑酒。別後俱爲萬里人。滄州古麻姑城。

與袁生

我過瀛海道。不見安期生。偶借琴高鯉。飄搖南海行。相逢四明客。遙指赤霞城。牛渚聞高咏。能移謝尚情。琴高。趙人。

德州答鄭山公留別之作

城下河流日暮寒。明燈綠酒罄交歡。從知越絕風烟好。敢謂珠厓道路難。巖瀨千峯雲際出。武夷九曲鏡中看。官園焙後茶香熟。此日思君到建安。

荏平懷古四首

經過射書處。猶識魯連邨。桑柘靈祠裏。空瞻玉貌存。

右魯仲連

玉釵掛臣冠。滅燭聞薌澤。此際獨留髻。僕亦堪一石。

右淳于髡

火色鳶肩者。相逢徧五都。不知曾一箇。得似馬周無。

右馬周

湖海鬚眉在。甯忘社稷讐。張公琴酒客。能辨殺閔丘。

右張鎬

杜詩·張公一生湖海客·身長九尺·鬚眉皆·濠州刺史閔丘曉·不救睢陽·鎬杖殺之·本傳·鎬嗜酒·善鼓琴·曉即殺王昌齡者·

留侯祠

歲晏穀城頭。惟餘碧水流。何年紫芝侶。共訪赤松遊。暮雪寒山道。溪毛過客羞。崎嶇倉海意。不是爲封留。

雪中發東阿望魚山懷古

陳思王聞梵於此·

山郭雪蕭蕭。魚山望轉遙。洛靈悲子建。神女降弦超。卽事成今古。寒巖閉寂寥。唯餘清梵在。一遣旅情消。

魚山神女祠

王摩詰有魚山神女祠歌·

雲車入洛幾時還。松桂淒涼滿舊山。歌罷迎神送神曲。山青無際水潺湲。

陳思王墓下作

昔誦君王賦。微波感洛神。今過埋玉地。重憶建安人。名豈齊公幹。讒甯殺灌均。可憐才八斗。終古絕音塵。

自礪礪至棘城雪中卽目

礪礪侵曉發。歲晏復窮陰。出沒峯巒改。蒼茫雲雪深。松篁轉山徑。烟火隔溪林。重戴吟鞭好。何如灞岸心。

望小洞庭

當日蘇司業風流此暫經。重巖望超忽。遠水界空冥。積雪明蠶尾。浮雲下洞庭。明朝新霽好。迴首數峯青。

東平思王墓

瓠山

東平幾驛是咸陽。松柏依然指故鄉。帝子不須還悵望。漢家陵闕久淒涼。

東平憲王墓

峴山

鄉是人亡萬古悲。東平宮殿草離離。陵前賜劍知何處。金粟飄零剩斷碑。

大雪次汶上題路氏北堂壁

百里中都道蒼茫欲暮天。湖平蜀山樹雪沒汶陽田。魯酒盈觴醉銀鱗。下筴鮮東樓無李白。且就北堂眠。

太白有飲汶上東樓詩。

次兗郡

翠華初過魯宗國。此遺墟猶忝持旌節。何殊奉乘輿。川原接冕繹。風物近青徐。獨愧鐘離意。名符發喪書。

少陵臺

不見杜陵叟。猶存杜甫臺。如聞石門路。曾共謫仙盃。平野蒼蒼合。浮雲故故來。岱宗青未了。髣髴六龍迴。

時大駕東巡祀泰山。

雪後過嶧山

數仞碧玲瓏。參差望不窮。波浮泗濱磬。雪照嶧陽桐。仙洞浮雲斂。秦碑野燒空。羊車何日去。輦路翠微中。

狐貽山

鬢弔何年事。傳聞此伐邾。至今歌小子。猶似怨侏儒。

古薛城弔孟嘗君

田文千載後。悵恨雍門彈。薛水西流駛。空城日暮寒。臺池久蕪沒。丘壟亦凋殘。在莒猶遺恨。如君豈足歎。

昭陽湖一名微山湖

滿湖風皺碧流離。微子山前返照時。閑掛笭箬泊沙鷺。紅霞一抹曬鷓鴣。

荊山口待渡

西連豐沛走中原。風色蕭蕭野渡昏。一望孤城天接水。亂山合沓是彭門。

徐州渡河

楚漢興亡後。雌雄幾戰爭。大風過泗上。落日照彭城。玉斗空遺恨。銀刀久厭兵。登臚一長嘯。冰雪太崢嶸。

彭門懷古八首

城上黃樓天四垂。捲簾坐盡楚山姿。羽衣吹笛人千古。樓下猶懸五丈旗。中原豪傑竟亡秦。楚漢烟銷泗水濱。放鶴亭中一盃酒。楚山鬱鬱水鱗鱗。樓觀岩峯戲馬臺。宋公九日此傳盃。詩人猛士如龍虎。只愛江東二謝才。僕別軍中似父兄。紅蓮書記擅才名。重尋汴泗交流處。千步毬場草棘生。黃葉西陂七字詩。後山詩派石林知。南山磐石流脂滑。不刻長洲主簿詞。



呂梁千仞古所嗟。况復層冰如莫邪。陪尾山前魯祠北。紅泥亭子漾金沙。烟銷陂水半篙碧。日出曉山千疊青。薺麥依然春雪裏。忍寒招鶴上空亭。風雨彭城意黯然。東堂松竹沒寒烟。潁濱老去東坡死。銅狄摩挲五百年。

感懷西樵。東亭兩兄。曩在廣陵官閣。西樵有詩云。牢落彭城意。經

時涕泗零。今宵鶴柴雨。猶喜對牀聽。

宿州遇吳舒臆

昔作薊丘別。聞樓陪尾山。泉林寫明鏡。遙岫列烟鬟。豈意浮雲跡。相逢梁楚間。苻離今夕酒。閉閣不須還。宿州東門道。曰汴堤古隋堤也。作隋堤曲。

苻離弔潁川侯傅公

公宿人

殿脚三千事已非。隋堤風物尚依稀。玉蛾金蠶飄零盡。誰見楊花日暮飛。

躍馬千山外。呼鷹百戰場。

古百戰道。在宿境。

平蕪何莽蒼。

俱上

雲氣忽飛揚。寂寂通侯里。沈沈大澤鄉。潁川湯沐

盡空羨夥頤王。

陳涉亦州人。漢高帝爲置守冢。

臨淮

凜凜歲云晏。我行淮楚間。清川下桐柏。衆壑會荆山。兩岸帆檣濶。中流鷗鷺閑。惠莊如可卽。長嘯一追攀。崔白濠梁人賦詩弔之。

徐黃老手去不迴。丹青又失濠梁崔。清淮粉本還留在。折葦枯荷鳧雁哀。

定遠靖南侯祠

英風動江左。廟食儼東城。聞道鳩茲郭。猶存驃騎塋。楚巫陳桂醕。行客拜霓旌。杜宇悲何事。哀啼達五更。  
將至桐城

溪路行將盡。初過北峽關。幾行紅葉樹。無數夕陽山。鄉信憑黃耳。歸心放白鵬。龍眠圖畫裏。安得一追攀。  
泳園夜雪卽事同敦復我建寄耕壺

山徑梅花發。籃輿香霧中。名園皆竹色。密坐卽蘭叢。倚檻湍醒酒。開簾雪颭風。美人一水隔。何以慰飄蓬。  
潛山道中雪

處處溪山好。倪黃畫亦難。雪雲數峯白。楓柏萬林丹。高下松毛積。淒清石溜寒。天心愛羈旅。巖壑飽經看。  
自沙河至唐婆嶺卽事

皖公山色望迢遙。皖水清冷不上潮。青笠紅衫風雪裏。一林楓柏馬蕭蕭。  
二喬宅彰法山廣教寺

修眉細細寫春山。松竹蕭蕭響珮環。霧氣江東久銷歇。空留初地在人間。  
太湖道中懷鄭山公通政

楚尾吳頭去。天寒急景沉。朝雲灑岳影。暮雪剡溪心。野店官橋路。人家筆竹林。相望二千里。何處是山陰。  
龍山晚渡

雪滿龍山望五湖。漁舟沙步晚招呼。憑誰喚起維摩詰。重寫寒江雪渡圖。  
張睢陽廟宿松棠梨宮

不識松滋路。中丞何代祠。椒蘭紛玉座。風雪捲靈旗。橫笛聲猶苦。神絃響易悲。同堂眞廟食。南八是男兒。

除日宿松道中

久客忘時序。匆匆逼歲除。楓林紅照眼。鬢髮白盈梳。灑岳多迴雁。潯江足鯉魚。春風來早晚。誰寄故園書。

乙丑元旦雪中謁五祖山二首是日立春

南國不搖落。春風况早迴。行旆穿白雪。大事問黃梅。絕磴盤空上。飛梁拂澗開。萬松猶引路。消息記重來。寶界琉璃淨。名香篤耨熏。堂開數峯雪。目盡九江雲。優鉢花時現。頻伽鳥競聞。躊躇下山路。楓葉正紛紛。

下五祖山

雪滿空山下。翠微娛人十里盡。清暉野梅香。破半溪水。翠羽一雙相背飛。

早發黃梅過東禪寺六祖春米處

誰識新州獠獠羣。傳衣夜夜半祖庭。聞水邊孤寺半烟篠。郭外數峯空雪雲。直是西來掃文字。翻令南北競紛紛。明朝穩把江頭櫓。水到潯陽九派分。

濯港五祖初生入漁網處今有網埠寺破額山四祖道場在直北六十里

網埠寺旁風物幽。漁人網集亂汀洲。阿誰識取源頭水。破額山前碧玉流。

太白湖

潯陽東北白湖濱。雪汶縱橫曉問津。何處雲中廬岳影。瀨堤衰柳送行人。

大雪渡潯陽江

江水下江州。茫茫九派流。雪迷宗炳宅。興發庾公樓。六代空殘壘。千年此上游。可憐形勝地。擊楫未消憂。

抵九江

琵琶亭晚望

雪重江天合。寒深鳥不飛。炊烟何處起。知是庾樓磯。

望廬山

看山宜雪後。五老况相要。絕頂覆雲霧。諸峯出沘漈。陰陽殊向背。吳楚接風潮。急瀑來三峽。名僧問六朝。客程兼水石。行色借漁樵。磨衲堪終老。彭城枉賜貂。

入廬山口號四絕句

翠竹青松裏。橫峯側嶺間。坡公曾有語。真箇到廬山。曉出潯陽郭。廬山方出雲。雲中雙白鹿。邀我問匡君。香爐峯近遠。望望太高生。莫畏石頭滑。終期曳杖行。步步廬山近。蒼蒼雪路深。江天雲霧裏。何處是東林。

自錦繡峯下至東林寺

江州郭外雪雲濃。翠壁丹崖錦繡重。行盡清溪三百曲。東林纔打午時鐘。

東林寺示宗雷禪人

晉賢名理宗莊老。祖印西來得未曾。攜得佛馱鐵如意。重將舉似雁門僧。

虎溪橋迴望西林寺

未訪西林慧永師。虎谿橋畔去遲遲。歸舟定纜宮亭水。飽看僧房綴蜜脾。

圓通寺示杲菴禪人

匡廬上初日。石耳訪禪林。眉際清寒重。烟中梵唄深。水交松櫟響。門掩竹藤陰。欲問南唐跡。山猿雪後吟。

歐亭

六一何時去。猶傳夜話亭。亭空人不見。殘雪落冬青。

蘇亭

試訪蘇公跡。荒榛颺鼠啼。東山初日上。惆悵下侯溪。

南唐後主祠二首在圓通寺

佞佛終何事。秦淮舊恨長。空山遺甃在。猶自說南唐。

唐苑蓬萊紫。名同萼綠華。可憐山寺裏。猶有麝囊花。

後主嘗移廬山麝囊花於含風殿前。名蓬萊紫。

寫韻軒

彷彿鸞岡露黛眉。繡襦甲帳爲誰施。祇應三五嬋娟影。曾照仙人寫韻時。

金花潭

宋元祐孟太后祈風處

傳是瑤華跡。江潭獨黯然。倉皇浮五馬。憔悴掩雙蟬。玉輦歸松漠。金花沒劍川。忘機羨鷗鳥。不識靖康年。

孟家蟬·見小說·姜夔  
詩·遊人總戴孟家蟬·

### 苦竹洲聞雁

孤舟聞雁唳·春思滿江湖·北去經彭蠡·南飛異鷓鴣·已驚關塞遠·深念雪霜徂·故國多烟水·音書好寄無·

### 樟樹鎮王文成公誓師處

豹房虎圈氣如雲·行在從容露布聞·誰識書生離講席·絕勝三十六將軍·

### 峽江縣

短岫幽篁峽口陰·亂帆鴉軋滿江潯·長年烟際遙相問·十八灘頭水淺深·

### 吉水道中望楊誠齋故居

江行盡日愛清暉·峽遠江平碧四圍·幾處峯青臨水照·一羣魚翠拂船飛·雲陰澹澹將成雨·嵐氣濛濛欲溼衣·髣髴南溪楊監宅·蒼苔白石繞巖扉·

### 吉水絕句

螺川川北字江西·沙暖舟暄咫尺迷·纔過元宵如上巳·春山處處郭公啼·

### 賦得廣澤生明月

放舟豫章水·月上廬陵城·照影疑無定·窺人似有情·泠泠青桂溼·歷歷白榆生·故國當三五·清暉亦自盈·

### 望青原山有懷藥地慈山二公

慈山重建白鷺臺  
恩山今燬於火

白鷺空洲又劫灰·青原山色自崔嵬·風流二老今何在·獨問廬陵米價來·

肺病

昨日頭風愈。新年肺病多。何山足芝朮。隨處繫牂牁。地僻容高枕。鄉遙憶伐柯。青林啼暮雨。無那鷓鴣何。

泰和道中寄陳說巖都憲李容齋少宰彭羨門編修

振舵開頭不計程。睡餘眞愛贛江清。將尋方麴猶嫌早。欲卸吳綿尙有情。木客山都人比舍。功曹主簿鳥多名。炎荒風物看殊異。略附雙魚達上京。

泰和縣夜泊雷雨

明月墮何處。忽聞鳴雨懸。雷驚股上聲。山起電急劃江圓。宿鷺依連舸。神龍出大川。戰場蕭瑟極。百感夜

茫然。

萬安縣

戰地餘流水。滔滔贛石東。幾年紛購臙。今日尙刀弓。沙嶼宵霑雨。江船午帆去聲。風明朝聞好語。清漲百

灘空坡詩。一篙清。漚百灘空。

阜口雨泊

急雨孤篷溼。高峯四面同。茫茫送灘水。颯颯會江風。山鬼幽篁裏。楓人苦霧中。明朝攬清鏡。衰颯任成翁。

攸鎮雨泊

竟日孤篷雨。宵分尙未休。瘴雲來嶺表。江漲下虔州。暗溼桃花重。平添竹箭流。更聞春喚鳥名。語催白五

更頭。

黃金洲見桃花

巖屋纔三合。烟扉自一家。春風何造次。開遍小桃花。

瓶中桃花

水晶枕上一枝新。別作嫣紅楚岸春。疑是息夫人未起。細腰宮裏見橫陳。

贛州謁王文成公祠

新建當年此誓師。森然松柏見靈祠。軍聲不藉條侯壁。籌策唯應漢相知。萬古許孫同廟食。一時張桂太傾危。後來論定煩青史。峴首猶存墮淚碑。

同丁雁水僉事登八境臺二首

天末欣相見。登臨復此臺。飛樓切雲上。危堞枕江開。章貢雙流合。雲峯四面來。凌風思玉局。故國近蓬萊。  
坡公八境臺詩有云。想見之景觀海市。絳宮明滅是蓬萊。

尙憶圍城日。熊羆此枕戈。劫灰孤閣在。戰地國塲多。東越縱王郢。南荒服尉佗。祇今烽火息。吾輩許高歌。

題南安寶界寺

劉元城。張無垢兩先生皆居此寺。坡公亦嘗過之。

古寺興亡閱幾秋。諸賢誰遣到炎洲。可憐橫浦關前水。猶繞當年鐵漢樓。

張文獻公祠

峽寺重雲裏。人瞻丞相祠。開元如夙昔。風度想當時。羽扇三秋恨。淋鈴萬古悲。何來雙海燕。猶自入簾帷。

始興江口



西過始興水。湏谿增淥波。湏水合始興水流始大。推篷春日下。高枕粵山多。前路逢瀧吏。迴風起蟹歌。鼻亭不可問。亂石鬱嵯峨。

舜祠翠華亭

髣髴南巡蹟。重華事有無。雨痕上斑竹。雲氣接蒼梧。儀鳳何年逝。啼鶻歲又徂。不勝懷古意。江色日荒蕪。

將抵曲江

二月一日春態閑。桃花欲落鳥綿蠻。回頭不識中原路。人在三楓五渡間。三楓亭。范雲賦詩處。

武溪水

南紀標銅柱。滔滔萬里征。我窮伏波道。重和武溪行。斜日聞吹笛。誰爲轅寄生。因思少游語。回首不勝情。

平圃張文獻公故居

扣舷聊聘望。川上浩烟波。往往奇峯出。行行松石多。人言故相宅。遙指曲江過。太息開元後。爭傳得寶歌。公初發曲江時。溪流清且深。松石復陰臨。

滙江

衆綠被山足。舟行當翠微。滙江流水遠。滙口住人稀。海日臨崖吐。蠻禽拍浪飛。阮俞如可采。長嘯竟忘歸。

二禺祠

軒轅二帝子。閒住綠雲間。世遠無遺迹。夕陽空亂山。攀髯失弓劍。采藥異荆蠻。猿鳥青冥裏。應悲去不還。

歸猿洞

若爲越女化猿公。霧鬢風鬟向此中。留得訶陵環子在。月明長憶上陽宮。

登浴日亭

乘槎興不盡。復欲帆去聲。南溟夕次扶胥口。朝登浴日亭。島夷紛破碎。天水倒空青。一望窮寥廓。真看小洞庭。

濂泉寺

閑隨綠蘿去。忽與碧溪逢。水石微通徑。烟霞獨倚筇。寺門編笏竹。磴道入雲松。尙憶安期子。青天跨白龍。

登粵秀山

越王古臺上。春暮復登臨。割據無秦漢。滄江自古今。風吹鼉背雨。日射虎門陰。欲問呼鸞道。荒涼蔓草深。

歌舞岡

歌舞岡前輦路微。呂華故苑想依稀。劉郎去作降王長。斜日紅綿作絮飛。

廣州竹枝六首

潮來濠畔市名。接江波。魚藻門邊淨綺羅。兩岸畫欄紅照水。蟹船爭唱木魚歌。  
海珠石上柳陰濃。隊隊龍舟出浪中。一抹斜陽照金碧。齊將孔雀作船篷。  
梅花已近小春開。朱槿紅桃次第催。杏子枇杷都上市。玉盤三月有楊梅。  
佛桑花下小迴廊。曲院深深牡蠣牆。細燕海沉銀葉火。金籠倒掛試收香。  
鬢雲盤髻簇宮鴉。一線紅潮枕畔斜。夜半髮香人夢醒。銀絲開遍素馨花。

才到花朝似夏闌。雨紗霧縠間冰紈。洋船新買紅鸚鵡。卻苦羊城特地寒。

登六榕寺浮圖 舊名寶莊殿寺

六榕不可見。地以大蘇名。白社無人到。蒼苔滿院生。塔窮炎海目。山擁粵王城。欲假南溟翼。扶搖詎上征。

大將軍孝揚弟餞別海幢寺卽席有詩賦答

元戎小隊到禪扉。蹋閣攀林興不違。賦似江淹頻惜別。人如楚客送將歸。貝多樹下花沾席。璫瑁潮邊雨濺衣。最是斑駁留不得。陸郎行處正芳菲。

別胡崙孩陳元孝屈翁山黎方回

耆舊海南偏。相思二十年。來攀貝多樹。別負荔支天。江晚饒芳草。山春有杜鵑。別離無限思。都付蠶人船。

題崧臺

石室崧臺儼畫圖。百神觴罷散清都。七峯處處供人眼。莫笑淹留類賈胡。

大廟峽寄黃庭表太史 自濟遠至濱陽亦曰三峽

出峽復入峽。舟行多苦辛。青山蠻徼外。黃帽越溪濱。迢遞經寒雪。飄零惜好春。佛桑花下酒。應憶北歸人。

三水月夜別陳宗德程衍祖

碧天月。晶晶江水風蕭蕭。明發一爲別。孤踪千里遙。梅關稀見雁。中宿不通潮。好寄相思子。時時慰寂寥。

十五夜峽口對月寄廣州諸故人

峽口今宵月。其如客思何。離離見珠斗。穆穆展金波。故壘餘蕭勃。殘山弔尉佗。珠江猶一水。相望似秋河。

雨入滇陽峽

野泊開頭早。重陰入峽寒。側過釣魚石。逆上牯牛灘。雨逼驚瀧失。雲從大壑看。十年經劍閣。轉見路行難。

歸度大庾嶺

大庾連橫浦。艱難此再經。鬢從五嶺白。山入百蠻青。嶠水流炎海。榕陰數上聲。驛亭今宵望南斗。漸遠使

臣星。

抵南安

嶺南已負荔支天。橫浦重過意惘然。暫借谿樓看山色。蠟花如雪寺門前。南安人以蠟樹爲業。彌望皆是。

答鍾聖輿送芍藥

新綠橫牕穩晝眠。一簾微雨似輕烟。午晴睡起維摩榻。花氣熏人又破禪。

常紫侯少司空使西域回有贈

會騎白馬度安西。絕域名從屬國題。雪嶺天寒人去少。河源日落鳥飛低。彈茶握槊分曹出。皓齒青娥按

拍齊。東入陽關更回首。輪臺春草正萋萋。

送王石谷南歸

君憶懸車子。言歸烏目山。帆隨五湖闊。心與孤雲閑。潑墨營丹嶂。開籠放白鷗。遙知破山寺。高臥掩松關。



# 漁洋山人精華錄卷十

## 今體詩

### 贛州別丁雁水僉事

與君暫相見揮手古虔州。孤棹山俱遠。雙江水亂流。急灘穿詰曲。深竹叫鉤輈。離別兼羈旅。中宵感白頭。

### 新淦道中懷門人林公韞兼寄丁雁水

七載相思木蘭道。那知相見鬱孤臺。江湖瀕洞扁舟遠。賓主東南一代才。伏雨蘭風朝復暮。滄波白鳥去還來。三洲不共窪樽飲。懷抱何因得好開。

### 豐城曲江亭

磯山高百尺。磯下曲江流。芳杜蕭蕭暮。金花歲歲秋。金花潭青峯相嫵媚。白鳥自滄洲。已矣干將氣。宵分望斗牛。

### 吳城登望湖亭寄周南康星公

東南臨眺美何如。信有孤亭切太虛。極浦長風生左蠡。畫簾清晝對匡廬。九江潮汐迎人遠。五老鬚眉見面初。明日玉淵潭上酒。共看飛瀑駐籃輿。

彭蠡守風送孫豹人之南昌

茫茫彭蠡雨。漠漠匡山雲。雨帶孤帆去。雲將別緒紛。蛟龍深自喜。牛馬望難分。三峽橋邊水。扶筇昨共聞。

開先寺贈顯公

古寺昇元舊。興亡感至今。晴天雙瀑下。急雨萬松深。但有龍聽法。何須地布金。琴高不可卽。陰峽畏登臨。

蘇公開先漱玉亭詩。  
欲從琴高生云云。

招隱橋

萬仞黃巖瀑。流過招隱橋。長松吹細雨。水石共瀟瀟。

萬竹亭

大竹如盆盎。森梢覆古巖。試嘗甜苦笋。亭上脫春衫。

佛印松

印公手植松。挺若舟千斛。山空孤月明。傳聲亂飛瀑。

南唐元宗讀書臺

猶存讀書臺。不見昇元閣。寂寂青桂花。巖間自開落。

青玉峽

廬南萬古峽。常有野雲封。朝來雷雨過。白日下飛龍。

聰明泉

手掬聰明泉。一滴大海味。不逢桑苧翁。知希我方貴。

王文成紀功碑

文成摩崖碑。其字大如手。萬古一浯溪。光芒同不朽。

大孤山

宮亭湖上好烟鬢。倭髻初成玉鏡閑。霧閣雲窗不留客。蘋花香裏過鞋山。

石鐘山

蘇公遊賞後。餘韻石鐘山。水石長如此。行人自不閑。鶴巢丹壁上。魚鬪翠微間。安得乘明月。扁舟數往還。

卽事二絕句

吳頭楚尾浪花羸。終日彭郎對小姑。楊葉洲邊望烟火。江南江北雨模糊。往來不見馬當船。三日蘆中少爨烟。東望皖公才百里。金陵難似上青天。

江上看晚霞三首

彭澤縣前風倒吹。三朝休怨峭帆遲。餘霞散綺澄江練。滿眼青山小謝詩。白浪空江斷去人。連朝風色起青蘋。小孤山外紅霞影。定子當筵別是春。瀟瀟寒雨暗潯陽。日日江潮過馬當。東望滄溟天萬里。乘風欲度赤城梁。

皖城懷古四首

憶昨經過射蛟浦。今朝還望盛唐山。大江日夜流如昔。武帝雄風去不還。天馬蒲桃空塞外。飛廉桂館自



人間茂陵。抔土秋風裏。玉女何曾解駐顏。  
龍舟曾颺錦帆風。回首淮南事不同。降邸已聞營汴上。皖公猶自落杯中。豫章一去歸何日。廬阜重來隱未終。苦憶舒州徐騎省。江潮東下雨濛濛。  
清水塘邊余闕祠。雲霄浩氣凜鬚眉。英姿颯爽猶橫槩。古砌荒涼只斷碑。鶴化千年非故國。鷄鳴十廟不同時。皖江便是田橫島。義士悲歌爲涕洟。  
羅刹磯頭落日懸。侍中遺跡至今傳。楚壘有恨沉魚腹。蜀魄何心化杜鵑。家國幾看陵谷變。江山猶痛革除年。青溪血影留遺石。巾幗還應愧世賢。

泊夏家口二首

秋浦猿聲夜。孤舟客乍聽。星星見漁火。已到卸帆亭。  
已近梅根冶。江流更幾灣。明朝風日好。應見九華山。

荻港

荻港東來指赭圻。估帆停處一鷗飛。大江小汶縱橫入。蓼岸藤灣遠近圍。勝地不留逋客住。暮潮閑送夕陽歸。黃公戰處今殘壘。憑眺休登板子磯。

板子磯

板子磯前路風帆之字行。紅花將翠篠的的可憐生。  
石上紅花低照水。山頭翠篠細含烟。楊誠齋題板子磯詩句。

螭磯靈澤夫人祠二首

白帝江聲尙入吳。靈祠片石倚江孤。魂歸若過劉郎浦。還記明珠步障無。  
霸氣江東久寂寥。永安宮殿莽蕭蕭。都將家國無窮恨。分付潯陽上下潮。

### 江行望識舟亭

鳩茲北面識舟亭。天際歸帆望杳冥。松竹陰中孤塔白。樓臺缺處數峯青。赭山人去生春草。江水潮迴沒  
舊汀。更憶于湖旣鞭跡。吳波不動客揚舲。溫飛卿于湖曲·吳波不動楚天碧。

### 天門山夜泊

萬里孤舟泊。今過博望山。勝遊非夢到。絕域此生還。列宿垂江闊。疎螢點鬢班。宵分望明月。歸思折刀環。

### 牛渚望青山

峯色如橫黛。江光似熨羅。昔人行樂地。今日復來過。小謝青山宅。桓公白紵歌。他年尋菌閣。終向此巖阿。

### 太白祠

白也祠堂在前臨。牛渚磯。風流映江左。山水尙清暉。小謝東田近。開元舊事非。姑溪好風日。遊子亦忘歸。

### 然犀亭

不是溫忠武。誰堪第一流。飛書先赴難。灑淚獨登舟。赤幘驚幽渚。黃旗指石頭。孤亭臨玉鏡。浙浙荻蘆秋。

### 蛾眉亭

采石磯頭百尺亭。下臨天塹畫冥冥。天門中斷楚江闊。日日蛾眉相對青。

### 烈山

古寺紅牆出翠微。莓苔石壁滴人衣。一行白鷺衝船起。卻上半巖松頂飛。

抵金陵

佳麗金陵道。垂楊夾去津。潮迎落帆客。花映倚樓人。依舊青山繞。如何白髮新。昔遊三十載。髣髴記前塵。

石城橋示倪雁園太史

昔作秦淮客。朱樓賦洞簫。白頭故人盡。重上石城橋。

雨過醉翁亭三首

出郭逢樵牧。橋廼境已幽。門前苻溪石。即菱溪石。亭下釀泉流。禽鳥鳴何樂。松篁颯似秋。吾生嗟太晚。不及

醉翁遊

風景非疇昔。亭猶號醉翁。曾將幽咽意。併入七絃中。我欲攜琴客。臨流撫古桐。不逢沈夫子。嗷嗷夜猿空。歐梅映池閣。半畝散清陰。老榦猶存古。孤花開至今。水溪尋寺遠。雪路入山深。此際巡簷好。寒香伴苦吟。

晚至豐樂亭

豐山高不極。到寺已昏鴉。一隴含桃樹。滿山烏柏花。僧難汲幽谷。泉在幽谷。活火試新茶。歸去松蘿暝。嚴城

報暮笳

天慶觀

宋立端命殿於滁以奉  
· 蔣祖置觀於其側 ·

宋家天慶觀。古跡近千秋。原廟春供祭。衣冠月出遊。莓苔蒼鼠竄。風雨杜鵑愁。西洛諸陵遠。蒼茫接汴州。

西澗

西澗蕭蕭數騎過。韋公詩句奈愁何。黃鸝喚客且須住。野渡菴前風雨多。澗上有野渡菴。取韋詩命名。

### 清流關

瀟瀟寒雨渡清流。苦竹雲陰特地愁。回首南唐風景盡。青山無數繞滁州。

懷王隼梁無技

王字蒲衣。梁字王。顧。皆南海人。

二子才何妙。閑門對海濱。繙經裁白氈。行藥過青春。綺麗誇宮體。風流似晉人。最憐閨閣裏。清詠玉臺新。王婦潘。梁妹。皆工詩。

### 寄蒲澗範公

憶訪蘆蒲澗。榕陰席屢移。泉聲微雨裏。江色夕陽時。空谷無殘客。諸方問導師。杼山詩法好。慚負碧雲期。

見田家飯牛者。意有所感。賦得牛飯就松涼。

故友宣城梅磊杓司句也。

黃犢東泉暇。青松北澗生。臥餘芳草軟。飯處午陰清。甯戚歌偏拙。華陽計早成。勞勞行役者。三歎憶巖耕。

### 歸次臨淮

歸路仍淮水。崎嶇嶺海餘。我行萬里道。未得一行書。漁戶緯蕭接。估船吹笛初。今宵孤館裏。鄉夢復何如。

### 苻離

萬里歸來兩鬢蒼。閱他南漢又南唐。短衣射虎心猶壯。重過苻離古戰場。

### 雨中渡河望黃樓

已見河魚上。冥冥雨未休。一條飛白浪。十丈捲黃樓。杳靄龍山隱。空濛雉堞浮。平生仗忠信。欲下呂梁游。

饒牧翁喜李長蘅詩穀城山好青如黛滕縣花開白似銀佳句也予冬夏兩過滕不見一花因成絕句

薛北滕南屢問津。遠山如畫黛眉新。唯餘底事堪惆悵。不見花開白似銀。

嶧山卽事

雨足烟邨事不閑。家家驅犢出柴關。棗花香徧濃陰合。水碧沙明望嶧山。

宿唐濟武太史志壑堂卽事

新竹捎檐夜氣清。勿聞山鳥報寒更。單衾喚起瀟湘夢。落月已西天未明。

書堂道中

山勢圍黃鵠。書堂望愈孤。行騰逐禪侶。荷篠問樵夫。鳥道捫參井。人烟倏有無。入雲鐘梵近。失喜一相呼。

石梁

窈窕度漁梁。縈紆一水長。臨流多白石。列坐復垂楊。歷歷禽魚影。蕭蕭蘭杜芳。雞鳴在何處。小鷗出松篁。

柳菴

溪行路不極。溪上出香林。一夜前山雨。千迴石瀨深。空花春漠漠。仙梵午沉沉。舊識旃檀味。還能悅衆心。

柳菴西方丈夜坐

踏閣攀林罷。閑塔坐夜分。木犀春半發。鼻觀定中聞。舉首見明月。西峯歸片雲。徘徊戀清景。谿籟遠紛紛。

于茲仙人祠

我愛寒山好。招尋白兔公。還過于茲道。倚徙古祠空。碧水流春澗。清猿嘯晚風。傳聞駕鸞鶴。來往月明中。

趙北口

莫問公孫事。茫茫感逝波。晚潮魚簾急。夜火蟹簾多。大麓諸流會。春風萬乘過。年年水楊柳。頭白此關河。

女郎山

臥輿夢初起。遙見女郎山。雨過開奩鏡。烟消露髻鬢。靈祠空翠裏。瑤瑟碧雲閒。不是崔羅什。何因奉玉顏。

題查夏重蘆塘放鴨圖三首

橫塘盡日雨濛濛。閑倚笭筍挂釣筒。坐愛琉璃一千頃。菱花風急冒鳧翁。  
鴨母船依湖水濱。船頭長日飯龜尊。憑誰寄謝桓南郡。不是鵝欄教鬪人。  
鴨頭丸帖種魚經。盡日蘆葦泛渺冥。何似漁陽隨突騎。天風齊放海東青。

題張力臣小照二首

癡鶴銘邊攜屐日。羊侯祠下卸帆時。吳山楚水探奇徧。不覺秋霜點鬢絲。  
金石遺文太放紛。摩娑千卷對爐薰。白頭更訪鴻都學。手拓陳倉石鼓文。

題沈客子林屋幽居圖五首

萬頃玻璃不受塵。樓居高與太清鄰。紫泉石髓儻留得。我欲因之窮左神。  
隱几春山似畫屏。下窺玉柱接金庭。禹書縱遣靈威守。合爲幽人一啓扃。  
五月楊梅血色斑。雲林十里畫圖間。杉皮屋子青苔徑。獨占吳王銷夏灣。

玉堂酒渴夢江南。林屋東西路舊諳。煩汝封題三百顆。夜來霜信到黃柑。

栖霞紫峯閣前有方竹一叢。予取以作杖。方爾止銘之。

追和東癡釣臺懷古

帝業真歸赤伏符。故人不作執金吾。猶嫌齊國知男子。終隱桐江學釣徒。鼎足三公慎要領。師中十載白頭鬢。清風萬古嚴陵瀨。知有雲臺博士無也。范升也。

憶石帆亭寄兒輩四首

梅花香裏置茅亭。下有蒼筤萬箇青。聞道故園三日雪。與誰同聽玉瓏玲。磬口檀心世外香。幽姿那點壽陽粧。祇宜霽雪明窗裏。手搦疎花寫硬黃。仙人鸞尾何年墮。池北池南共歲寒。又向東華騎瘦馬。春風先問竹平安。麥穎風爐手自烹。林園急雪夜三更。不知賀若今存否。夢裏琴聲大蟹行。

題趙承旨畫羊

三百羣中見兩頭。依然秃筆掃驕驄。竭來清遠吳興地。忽憶蒼茫勅勒秋。南渡銅駝猶戀洛。西歸玉馬已朝周。牧羝落盡蘇卿節。五字河梁萬古愁。

正月上旬過朱竹垞太史齋中諸花盛開賦二絕句

馬塍曾說野人家。每先聲去東皇管物華。今歲長安霜雪少。試燈風裏見唐花。十笏如聞功德香。曼殊陀利兩芬芳。偶來小坐談空處。政要天花作道場。

立齋相公齋中蕉花開索賦六絕句

漢主初開扶荔宮。甘蕉花入上林紅。今朝獨樂園中見。始信嵇含狀最工。

中書退食日蕭蕭。簾捲西山爽氣饒。茶臼筆牀相對好。一林花放膽瓶蕉。

玉宇微涼八月中。林塘香散木犀風。綠天深處一花坼。蝙蝠飛來相映紅。

膽瓶蕉狀如膽瓶。南中紅蕉花開。有紅蝙蝠集中。見酉陽雜俎。

朱萼新抽萬卷書。仙人掌露勝醍醐。丹青好借黃筌筆。更寫紅蕉水鶴圖。

紅霞一抹映瓊杯。照影銀塘細細開。不似平泉閑草木。猶煩驛騎日南來。

木綿千樹粵江邊。不及蕉花分外妍。常記五羊城畔見。一枝紅壓蟹人船。

董起男送風雨梅戲占爲謝

故御史玉虬子。

吳中五月梅黃雨。想像千林舶趁風。珍重遺來香軟齒。不須將醋沁曹公。

答陳元孝寄懷

不見閉門陳正字。嶺雲江樹五年餘。秋風欲下華陽館。粵客纔通尺素書。蒲澗紅泉應不改。羅浮翠羽夢

全疎。天南耆舊今頭白。珍重新詩獨起予。

題周文矩五王避暑圖爲李奉倩中丞

聞道開元日。宸遊花萼同。恩深五王宅。一作帳。勅借九成宮。竹映翠微合。泉飛碧澗通。披圖見隆準。覿矣讓

皇風。

喜羨門閣學卜鄰之作



少小論交三十載。中間離合似浮雲。谷風莫問窮兼達。舊雨猶存我共君。東閣從容多密劄。南臺潦倒恕彈文。望衡乍喜相鄰並。可許談詩坐夜分。

再題研山絕句示竹垞

南唐寶石切灰餘。長與幽人伴著書。青峭數峯無恙在。不須淚滴玉蟾蜍。

元章詩·研山不可見·哦詩徒歎息  
·惟有玉蟾蜍·向予頻淚滴·青峭

數峯·南唐  
元宗語·

題朱竹垞檢討雪景小照四首

天女長空散六花。疎枝冷蕊鬪橫斜。小身幻出維摩影。費我連朝玉畫叉。  
雪後溪山畫不如。梅花林外跨青驢。相逢莫笑酸寒甚。曾校華林七錄書。  
雪屋寒林斷晚烟。板橋流水尚濺濺。不逢才子安鴻漸。定是襄陽孟浩然。  
風急天山雪打圍。下韉鷹疾掠空飛。誰知驢背江南客。手拗寒香插帽歸。

題小長蘆圖三首爲竹垞作

史筆高三館。歸心戀五湖。分明鰕菜好。寫出小長蘆。

膝上佳兒文度眼。中秋色江邨。歸路不須扶杖笑。凭桐孫稻孫。

竹垞二  
孫名·

一簾一笠日相隨。不似官人似釣師。七字愛吟楊處士。亂堆漁舍晚晴時。

送張寶菴宰新野

牽絲雖百里。湯沐古南陽。白水清官舍。青山落印牀。人祠銅馬帝。城倚臥龍岡。遙憶絃歌處。風流楚塞長。

送劉君宰建德 先考功兄門下士

送者自崖返。君眞建德遊。桐廬最蕭灑。水木况清秋。橘柚紛千樹。漁商聚一州。新安江見底。應憶古羊裘。

送陸次公赴撫州兼寄宋牧仲中丞

青門一尊酒。言祖謝臨川。人憶貝丘別。雁隨彭蠡船。高齋逢霽雪。春思入江烟。爲向中丞問。吟髭白幾年。

得同年胡少宰汝南書

曾讀先賢傳。常懷第一流。牛醫黃叔度。馬磨許文休。風節猶東漢。江山古蔡州。爲農堪沒齒。此外復何求。

聞滕王閣落成寄宋二牧仲開府

中丞持節鎮洪州。滕閣重開勝庾樓。清簾疎簾過暮雨。隱囊紗帽對江鷗。曾來弭棹悲殘劫。未許題詩在上頭。安得乘風度彭蠡。與君吹笛坐滄洲。

予乙丑過南昌閣燬於火。

柳

雨態烟姿定有無。柔條依舊暗金鋪。風情甘讓鍾山隱。手寫黃羅付慶奴。

石谷子與門人合寫谿堂詩思見贈題其上

谿流過雨決決鳴。天風環珮來淙淙。谿邊山色自太古。谿上白雲非世情。疎簾清簾晝無暑。翠竹碧梧時有聲。此中幽意少人會。起坐彈琴山月明。

蘭相如墓

智勇存危趙相如。第一人。特書王擊缶。問道壁亡秦。故國山河改。孤墳草木春。魯連終蹈海。千古共悲辛。

自獲鹿至井陘道中雜咏

少日紛多慨。龍門太史書。劫殘秦復趙。齒冷耳兼餘。豈謂無雙士。而師李左車。到頭鐘室恨。功狗竟何如。

故關

絕祖依天險。雄關鎖地維。石橫千仞壁。松偃萬年枝。盡日無飛鳥。經春臥老巖。見北史。槐花秋雨裏。重憶舊

題詩。壬子秋過此。有句云。西風忽送蕭蕭雨。滿路槐花出故關。

郭有道墓

大槐坂上逐車塵。爭效先生折角巾。至竟清流解亡國。望門投止是何人。

謁文忠烈公祠

精神如破貝州時。晚節猶能動四夷。天遣不同韓富沒。姓名留冠黨人碑。

洪洞縣謁韓忠定公祠

弘恭已自收蕭傅。夏惲翻能殺呂強。枉使空同奮刀筆。子規不勸李東陽。

過臯陶廟偶感范滂事題壁

汝南范孟博。高義薄雲霄。未遂澄清志。先逢黨錮朝。大名齊李杜。幽憤祭臯陶。南北甘陵部。千秋恨不消。

風陵渡河抵潼關

行盡并汾路。前旌欲度關。亂帆河曲水。隔岸虢州山。地險煙嵐合。時清虎豹閑。永懷黃綺侶。白首臥商顏。

訪山史讀易廬時久客淮南未歸

多年華下遂君初。廿載重過訪舊廬。滿徑苔痕侵竹石。當牕綠色淨琴書。山中宰相人誰識。江左夷吾我不如。爲報倦遊歸及早。淮南無此好家居。

華山雜詩七首

玉泉院

日玩玉泉流。靜悟先天易。多事墜驢時。強與人間事。

山蓀亭

結茅孤石稜。玉泉下奔注。亭空泉尙流。上有無憂樹。

希夷峽

洞門峽半開。鐵鎖垂千丈。俗駕自然迴。何地容種放。

娑羅坪

小憩娑羅坪。手撫娑羅樹。仰見上方雲。時向人間去。

毛女洞

毛女負琴去。倏然松杪飛。青冥風露冷。髣髴見天衣。

白鹿龕

雲中跨白鹿。心知魯女生。乞我一丸藥。相將遊玉清。

青柯坪

窈窕青柯館。正在西峯罅。二十八潭懸。飛瀑從天下。

謁郭忠武王祠

便橋蕃部擁風雷。單騎纔臨鐵騎摧。回紇萬人齊下拜。傳呼天上令公來。

謁寇忠愍公祠

柘枝舞罷蠟成堆。千束吳綾夜宴開。不是魏三詩句好。誰知無地起樓臺。

新豐

漢代枌榆社。遺墟極望平。空提三尺劍。忍啜一杯羹。細雨新豐樹。寒蕪小苑城。惟餘舞陽廟。漠漠土花生。

石甕寺 在驪山東繡嶺

當年石甕寺。曾對集靈臺。青雀無廻信。黃虬是禍胎。杜詩。化作長黃虬。謂驪山也。朝雲何日散。山月至今來。坐久流

仙梵。松聲薄暮哀。

灞橋

自古銷魂地。茫茫喚奈何。行人灞陵渡。疎雨櫟陽過。楊柳籠烟薄。楊花夾岸多。邯鄲東北望。流恨滿雲和。

即漢文帝令慎夫人鼓瑟處。

灞橋柳

灞橋楊柳碧毵毵。曾送征人去漢南。今日攀條憔悴絕。樹猶如此我何堪。

城南遊詩八首

曲江

賜沐逢修禊。宜春歲歲遊。傳呼夾城仗。早御望仙樓。捧劍金人曲。凌波綵鷁舟。新蒲將細柳。蕭瑟至今愁。

薦福寺

院從唐代建。人以寂音傳。

洪覺範嘗居此。

水鳥皆聞法。雲山不離禪。花邊停浴鼓。竹外起茶烟。卽此忘言說。虛

空借坐眠。

韋曲

皇子陂邊路。風光韋曲多。曾鄰天尺五。最近第三坡。芳草新年色。桑條舊日歌。傷春更懷古。容易醉顏酡。

杜曲

春衣杜陵宿。窈窕一川花。舊是岐公宅。人傳故相家。名園三品石。貴主五雲車。今日穠華歇。棠梨噪暮鴉。

牛頭寺

牛頭鐘梵罷。露坐俯樊川。明月生秦嶺。清光滿稻田。微風喧吠蛤。野燒起山烟。歸臥禪燈寂。心空古佛前。

少陵原工部祠

少陵原下路。髣髴浣花村。猶似開元日。終南對國門。秦川空望眼。湘水與招魂。忍見桃花落。紅英糝綠樽。

樊川桃花

三月樊川路。紅桃散綺霞。終南青送黛。潏水碧穿沙。草色裙腰合。渠流燕尾叉。銷魂過杜曲。一樹最天斜。

杜曲。南鴻固原下。緋桃一株方盛開。

秦愍王墓

陳王鬪雞道。今日望陵園。石馬前朝賜。銅人漢代原。幽蘭悲帝子。芳草怨王孫。猶有藍田燕。年年入墓門。

杜曲西南弔牧之冢

兩枝仙桂氣凌雲。落魄江湖杜司入。勳。今日終南山色裏。小桃花下一孤墳。

茂陵懷古

頻年祠太乙。晚歲罷輪臺。緱氏仙何往。瑤池信不迴。紅顏鈞弋盡。白首子卿哀。失勢秋風客。昆明又劫灰。

李夫人冢

在茂陵西北數步

長門買賦草萋萋。冤魄雲陽杜宇啼。惟有佳人解傾國。荊陵長傍茂陵西。

秦穆公墓

雨霽陳倉曉日紅。杖藜來訪橐泉宮。千年斷碣荒烟裏。一片殘春秀麥中。黃鳥哀時良士盡。碧雞飛去霸

圖空。子車遺冢猶鄰近。長與坑儒恨不窮。

雨中武貞菴督學招集東湖

行人衣上雨。來自杜陽川。湖似郎官好。名因學士傳。

有坡公祠

游儵爭唼雨。垂柳欲生烟。重過荷香裏。還勞運

酒船。元次山詩。不能廢人運酒舫。

再集東湖拜東坡先生祠

復有東湖約。來當春暮時。涼風散高柳。微雨灑清池。自識龜魚樂。何殊濠濮思。仙翁去千載。髣髴下雲旗。

汧陽縣

晚上汧陽閣。遠山橫翠眉。韋莊汧陽詩。遠山如畫翠眉橫。川長連隴首。城古枕隄巖。太尉千秋笏。段公秀實。汧人。章郎七字詩。不勝懷古意。羌笛暮休吹。

登吳嶽

名嶽標西極。金天作鎮雄。東看連太白。北望盡回中。日出橫秦時。煙消指漢宮。導岍思禹蹟。此地鑿鴻濛。

祀雞臺

東周久已換西秦。陳寶何須辨偽真。猶有漢家使持節。益州遠祀碧雞神。

鳳女臺

弄玉空祠鎖寂寥。碧雲天際水迢迢。丹青不畫乘鸞女。夜夜月明聞洞簫。

賣酒樓東坡有詩

昨向宜春下苑遊。曲江烟景似悲秋。珠簾甲帳皆黃土。何必陳倉賣酒樓。

紫伯山下謁留侯祠相傳是辟穀處并祀黃石公赤松子

萬木蕭蕭風晝吹。深山忽見留侯祠。清流白石閱今古。雪柏霜筠無歲時。辟穀真從赤松隱。授書偶作帝王師。也知烏喙逃勾踐。未屑鴟夷學子皮。

聞紫柏山絕頂有峨眉老衲獨坐丈室數十年。蛇虎皆馴伏。今九十有六矣。惜不得其名字。乃作頌

古十絕句。屬鳳令寄之。丙子歲四月七日。棧中留壩驛燈下成。



維摩詰

師利多言說。淨名殊默然。語言文字外。已示祖師禪。

須菩提

善哉須菩提。巖間惟晏坐。般若是誰聞。諸天雨花墮。

惠持

樹中入定僧。千年人不識。如何去陳留。一往無消息。

道超

我愛道超師。絕俗耽憩寂。退院間無人。蟋蟀鳴秋壁。

寒山

寒山牛跡話。此意誰酬酢。趙州小廝兒。宛有大人作。

懶殘

煨火傍羣牛。謫來幾千歲。懶殘亦俗人。誰能爲拭涕。

地藏琛禪師

栽田博飯喫。獨振玄沙道。一笑視諸方。說禪方浩浩。

法昌遇禪師

法昌亦開爐。單丁唯一箇。賴有十八賢。緘口圍爐坐。

黃龍晦堂禪師

山谷大辨才。妙義皆糠粃。滿院木犀香。吾無隱乎爾。

褒禪山僧 見冷齋夜話

枕石漱溪流。夢見歐陽子。覺來萬壑風。松聲滿人耳。

汎漢江

廣川微雨過。疊鼓發中流。白獺嘶魚上。青峯捲幔收。江童竹枝曲。漢女木蘭舟。歸路重城晚。紅燈滿市樓。

大安驛雷雨

客行當四月。驟雨過三泉。出地雄雷奮。穿雲急瀑懸。飛龍氏舊國。白馬戍西偏。潭毒關前壘。英風尙颯然。

潭毒關。宋劉子羽退敵處。

百牢關

全秦雄百二。南盡百牢關。人雜氏羌俗。天連彭濮山。漢臣傳諭蜀。唐計失征蠻。歷歷前朝事。孤雲落照間。

嘉陵江上憶家

自入秦關歲月遲。棧雲隴樹苦相思。嘉陵驛路三千里。處處春山叫畫眉。

龍門閣

潛水入嘉陵江處即龍洞背亦名葱嶺

四圍碧玉色。峻嶒著箇行。纏盡飯僧松。末風來龍背冷。坐看流水入嘉陵。

籌筆驛朝天峽上

當年神筆走羣靈。千載風雲護驛亭。今日重過弔陳跡。祇餘愁外舊山青。意中流水遠。愁外舊山青。石曼卿題句。

晚至昭化縣題孔令見野亭

葭萌朝掛席。弭棹欲三更。月上嘉陵水。山圍漢壽城。主人具雞黍。邀客啓柴荆。修竹吾廬似。因之故國情。

郎當驛雨中二首

金雞賜帳事披猖。河朔從茲不屬唐。却使青驄行萬里。三郎當日太郎當。武連縣南雲氣遮。郎當驛北石槎枒。西風盡日濛濛雨。開徧空山白芨花。

渡涪江

涪江水抱山流。不見唐家帝子樓。記取江東詩句好。澹烟喬木是緜州。  
鹿

抱郭涪江碧玉流。一川豐草鹿呦呦。倦遊忽憶楊岐語。祇有渠儂得自由。

羅江驛夜雨故縣今省入德陽城北有潺水潺亭

前旌已拂鹿頭關。風雨勾留不肯閑。何處行人最愁絕。潺亭亭下水潺潺。  
落鳳坡弔麗士元

沔上風流萬古存。魚梁洲畔向江村。何如但作鴻冥好。采藥相攜去鹿門。

淨居寺謁宋文憲公祠在文殊院

一代高文奉至尊。那知投老葬蠻村。祇應迴向文殊境。共證毘耶不二門。

漢州西湖

當年房次律。此地鑿西湖。百頃烟波渺。中流島嶼孤。琴亭何寂寞。片石亦榛蕪。欲問邢和璞。三生事有無。

放翁房相西湖詩。遂城鑿池一百頃。島嶼屈曲三四里。房公石尙存州廡。

漢州紀夢

照壁孤檠不自聊。隔牕寒雨打紅蕉。驚回一枕鄉園夢。身在西川金雁橋。

千佛巖

江作大圓鏡。山爲寶樓閣。莫遣丹霞開。木石總燒却。

利州皇澤寺則天后像二首像是一比丘尼

鏡殿春深往事空。嘉陵禍水恨難窮。曾聞奪塔瑤光寺。持較金輪恐未工。

洛陽伽藍記。瑤光寺。尼工奪塔。

瓦官寺裏定香熏。詞客曾勞記錦裙。今日蘭橈碧潭上。玉溪空自怨行雲。

李義山利州江潭詩。欲就行雲。散錦遊。自注。感孕金輪處。

界牌關道中

修竹覆奇壁。飛泉來半空。人行翠微裏。風度紫蘭叢。暫喜俗塵遠。休嗟吾道窮。誰爲洪谷子。移向畫圖中。

四過東湖題宛在亭

小鴨啾啾萍葉亂。三枝五枝菡萏開。魯連陂上花千頃。黃帽刺船歸去來。

重題茂陵

絡繹甘泉豹尾催。君王夜幸柏梁臺。當時譎諫稱方朔。也嬖長陵宛若來。

謁段忠烈公祠

昭應離宮盡廢丘。司農祠廟儼千秋。流芳遺臭知何限。火迫當年笑鄭侯。

早發臨潼

輦道虛無裏。孤城翠靄間。西南迴望處。滿眼是驪山。

華州西溪

往來宮柳路。纔訪鄭南班。水木清華色。雲峯澹宕姿。江心伏毒寺。花外拾遺祠。有子美不見松談閣。松風

日暮吹。郭脗伯宗昌松談閣。在溪上。今廢。

泚園弔郭脗伯二首

脗伯園中置一舫。居之。名齋舫。

白崖湖水碧浮天。亂石嵯峨凌紫烟。十里芙蓉衆香國。此中曾泊孝廉船。大華小華皆削成。東溪西溪夾鏡明。仙人鶴背忽飛去。天風下來聞玉笙。

鼎湖原二首

軒轅鑄鼎此荆山。弓墮龍髯不可攀。多事橋陵一坏土。伴他鴻冢在人間。素女爲師態萬方。如聞天老教軒皇。馬肝已諱文成死。又見神君祀柏梁。

盤豆驛

依然盤豆對藜蘆。回望關門岳勢孤。思子臺邊一懷古。不知身過玉孃湖。

湖城二首 今閔鄉

泉鳩里畔動悲風。回首秦山隔萬重。仙意已窮巫蠱起。茂陵遺恨犬臺宮。趙鹵誰教近至尊。漢廷不照覆盆冤。如何病已爲天子。惡諡重蒙到戾園。

稠桑驛

感張淑人陳孺人而作

春蘭秋菊不同芳。舊恨新愁爾許長。應是三生緣未了。又呼妙子到稠桑。老子故宅

北邙東望冢纍纍。上有玄元古廟基。莫以荒唐笑仙李。漢家先奉濯龍祠。

次陝州

首春發京國。秋氣忽蕭蕭。路入三川險。人歸萬里遙。黃河流底柱。白日下中條。河上傳經叟。仙蹤不可招。

甘棠

今陝州

弭節甘棠日未晡。玉釵金縷散青蕪。殺陵此去多風雨。不用尊前唱鷓鴣。

許渾有甘棠開唱鷓鴣詞詩。

甘棠驛

北寺南牙劇戰爭。可憐甘露怨誰明。甘棠驛外東流水。嗚咽年年塞玉聲。

事見甘棠靈會錄。

魏野草堂

陝郊棲隱處。寥落對雲山。無復花藏縣。曾聞菊遶灣。

二句用野詩

偶欵紗帽出。時跨白驢還。尙憶汾陰祀。流風杳莫攀。

會盟臺二首

秦聲趙瑟會西河。御史前書較孰多。臨訣數言關大計。論功終欲首廉頗。不辭頸血賤秦王。進缶當筵氣慨慷。十五名城酬趙璧。何如談笑請咸陽。

洛陽

國本爭來黨錮連。楚歌楚舞亦堪憐。如何鴻鵠高飛去。又見蒼鵝出地年。

渡洛水

脉脉中流望。盈盈羅襪塵。西園魏公子。南浦洛川神。蘅薄芳猶在。楊林意未申。凌波何處問。秋水正魚鱗。

洛神

凌波羅襪欲生塵。賦裏驚鴻態尙新。不信三臺燈火夜。針神真比洛川神。

洛川南望

碧嵩清洛洗愁顏。伊關中分兩鬢鬢。煖翠浮嵐看不盡。纒山南是伏牛山。

白馬寺

伽藍半化洛陽塵。漢代鴻臚跡尙新。太息他年窮楚獄。仁祠空解祀金人。

王輔嗣冢

鍾會齊名果是非。白楊孤冢暮煙微。如何一夕談名理。不救河橋誤陸機。

緱氏縣今偃師

白茅授印事何如。底許孫卿更上書。桂觀蜚廉人力竭。祇緣仙子好樓居。

望縵山廟

王子乘鸞鶴，飄搖伊洛間。至今明月夜，鳳吹滿空山。縵氏仙踪杳，東萊漢使還。樓居高幾許，天路渺難攀。

七夕前二日鞏縣阻雨

王子晉·以七月七日上昇

秋風來鞏洛，暮雨阻輶轅。欲把浮丘袂，難招杜甫魂。

工部葬首陽山

神嵩

不可眺三十六峯昏

宋陵

洛水邙山飽廢興，宋家幽寢闕魚燈。奉香不見臨安使，白日茫茫下七陵。

七夕雨抵汜水縣

玉門殘壘外，云是古成臯。濁浪喧牛口，雄關偪虎牢。青山空楚漢，白骨尙蓬蒿。七夕風兼雨，悲歌撫孟勞。

紀將軍祠

榮陽

東門黃屋競傳呼，從此咸陽入帝圖。若遣封侯身不死，也須鐘室避娥姁。

夕陽樓

野塘菡萏正新秋，紅藕香中過鄭州。僕射陂頭疎雨歇，夕陽山映夕陽樓。

僕射陂白蓮

陂名傳僕射，秋氣滿蒹葭。十里銀塘冷，千枝白氎斜。他年履道宅，應憶管城花。素手誰攀折，飄零自水涯。

鄭州古管城



圃田列子祠

冷然鄭圃御風遊。四十年如不繫舟。惻悵餘年還嫁衛。先生老矣又何求。

官渡

別駕亡來萬事非。夕陽官渡客行稀。袁家新婦應惆悵。賸與陳王詠宓妃。

中牟縣南湖蒲蘆亭是張林宗飲酒處予易名墊巾題一絕句

南郭孤亭野水濱。菰蒲獵獵水鱗鱗。林宗未遠風流在。不愧亭名是墊巾。

板橋

板橋衰柳日蕭蕭。回首宜和似暮朝。上巳金明池上飲。畫船銜尾駝駝橋。

昭靈夫人墓

驚風古道卷蓬根。何處昭靈墓尚存。不見梁巫陳桂醕。野人耕盡小黃園。

謁信陵君祠

趣救邯鄲却暴秦。十年留趙事酸辛。大梁歸後匆匆甚。日飲亡何近婦人。

曹南渡河望南華山

函關已弔玄元宅。鄭圃還過禦寇家。問渡漆園風雨裏。却臨秋水誦南華。

春城堆 金鄉晉郡公故宅

春城堆上弔諸郗。絕恨參軍入幕時。惟有青溪三十曲。風流猶自憶僧施。

龍女祠汝水北岸

冰綃霧縠映迴波。半額宮黃蹙黛蛾。欲采香蘋慰幽怨。不須深避庾毗羅。

送杜肇余大宗伯予告南歸二首

遺榮一疏謝金貂。祖帳東門集百僚。北斗星文兼將相。

公先爲大司馬。

南宮地望迴雲霄。直清譽重推三禮。禁

近恩深荷兩朝。最羨鱸鄉亭下泊。蓴絲入饌雨瀟瀟。

潞亭雲樹望中迷。一片歸帆落日低。心戀觚稜別金馬。夢回烟水聽潮鷄。五湖蝦菜身將隱。九列功名物久齊。亦欲投簪東海去。便從梅里問幽栖。



吾師新城王先生。以詩學爲海內宗師者四十餘年。其詩曰漁洋集。漁洋續集。南海集。蠶尾集。蜀道集。雍益集。通三千餘篇。門人盛侍御曹祭酒。嘗仿宋蜀人任淵纂豫章集之例。擇其尤合作者千餘。以爲精華錄。凡十卷。康熙庚辰夏。先生以授門人林佶。佶承命編錄。稍有增減。皆任氏所謂叢桂崇蘭。奇玉特殊者也。先是康熙乙丑。佶初學詩。黃州慕廬葉先生遊閩。出先生所選古詩相授。斯時佶已服膺先生之教。顧無從得先生所自爲詩。後三年。佶遊吳。學於堯峯汪先生。每稱詩。輒首服先生。佶愈益欣慕。而燕閩相去益遠。先生官中朝。日益顯達。愈無從得受先生詩。又十餘年。佶以貢入成均。時先生官御史大夫。始得登先生門。獻詩六章。先生嘉許之。獲廁門下。於今三年矣。一日。先生謂其弟幔亭曰。林子朴誠士。其事堯峯。特有始終。未知異日於我何如。蓋佶嘗於堯峯身後。手錄其集而傳之。不自意雅爲先生所許。因遂請願得受先生全詩。時先生遷大司寇。政事紛遑。方抱疾不暇。休乃出盛曹二君子所撰精華錄。以付佶。更訂次之。夫以先生之爲詩。上沿四始六義之遺。而下薄漢魏六朝唐宋元明諸大家之製作。萃其美而匯於成。爲當世言詩者之宗匠。固無俟佶之贊頌。獨是遊先生門者。亡慮數十百人。而佶以末學晚進。來至京師。與於洒掃應對。列以償其廿年私淑之願。而今又獲以從事筆札。挂名於其端。曩佶嘗言。元黃文獻。柳文肅。吳澗穎三公集。皆其門人宋潛溪爲之編序而傳之。前跋堯峯文鈔。每舉此。以致惓惓願學之懷。今更舉以似先生。良以先生少與堯峯齊名。文章品望。上與黃柳諸公異世同規。而佶皆承其教澤。其得所依歸。而將附之以傳於後。抑何幸耶。因識茲錄授受之緣起。以爲後序云爾。康熙庚辰夏五月。門人候官林佶謹書。

